


7. C. 800


MENTEM ALIT ET EXCOLIT



K. K. HOFBIBLIOTHEK
ÖSTERR. NATIONALBIBLIOTHEK

77. Ee.285





77. E. 285.

Grüntliche beicht

vnd eröffnung menschliches
hertzens gegē Got/dadurch man/oder
der mensch/zū erkantniß eigener
boßheit mit grunde der ge-
schriffte/bracht vnd ge-
füert wirt.

ij. Wie das recht heilig Creütz erfunden/erhaben/vnd geeret/soll werden.

liij. Vermanung zū gedult in allem an-
fechten.

¶ Gedruckt zū Ulm bey Hans Var-
nier/Anno M. D. XXXiiij.

Handwritten text at the top of the page, likely a title or header.

Handwritten text in the upper middle section of the page.



Handwritten text in the middle section of the page, partially obscured by the library stamp.

Handwritten text in the lower middle section of the page.

Handwritten text at the bottom of the page, likely a signature or date.

Register inhalts der Vorrede.

Des ersten.

Von anfang rechter warer buß.
Der ij. Wie menschlich natur befleckt zu böß
heit geneigt / so voller blindheit steckt / das sie ire
eygene bößheit nicht erkennet.

Der iij. Schreck / forcht vñ theil / vñ angst / nider
geschlagens reuwendes hertzens vñ gewissens.

Der iiij. Von tröst vñ widerkerung zu Gott.

Der v. Das ein yeder sich selbst / andre leut richtē
vñ vñ theiln solle.

Der vi. Das Gotlich wort leret eynigk den rech-
ten weg zu der seligkeit.

Der vij. Wie mēschliche weißheit götliche vñ geist-
liche sache zu vñ theilē eytel thortheit vñ blindtheit ist.

Der viij. Wölche menschen götlicher weißheit se-
lig seindt.

Der ix. Antwort vñ aufflösung einer widerrede /
vñ wie wir alle lere bewegen / vñ vñ theylen sollen
vñ mögen.

Der x. Ob vñ wieder mensch Gottes wort auß-
legen solle.

Der xi. Ob ein Ley Gottes wort zu wissen vñ ein-
yeder predig zu Glauben schuldig sey.

Der xij. wie man alle lere probierē vñ erkennē müge

Der xij. Wie man die heylig schrift ersuchē / auch
dero volgen solle.

Der xiiij. Mit ernstlichem gebet zu Gott vñ fleiß-
ger erforschung götlicher geschriff erlangt d mēsch
götlich weißheit vñ rechten verstandt seines worts.

Der xv. Beschluß / vermanend zu erkundigung
gotliches willens.

Der xvj. Von mündlicher oren beicht.

Der xvij. Von der eygnen willigen beicht oder be-
kantnuß zu Gott.

Die Beicht ist in Capitel gedeilet.

Das erst.

Weder reuwend widerkerend sunder bekeñet
vnd vergicht vnd anckbarkeit vnnnd übertret-
tung vnser ersten vatters Adams.

ij. Wie nach der übertrettung Ade / menschlich ge-
müt von Gott gekeret / seine straff veracht hat.

iiij. Am dritten sibet vnnnd erkennt der büßfertich
mensch die vnaussprechlichen gütthat / menschliche
geschlecht im standt der gnaden bewiesen / in dem
das Gott seinem eynigen Sone nit verschöner.

iiij. Bekeñt vnd beclagt der reuwend seine grosse
vnd anckbarkeit entpfangener gnaden vñ gütthatē.

v. Am fünfften bekeñt vnd beweynet der Sünder
seinen fall nach verliehener gnaden der Sacrament
vnd göttliches wortes.

vj. Zum sechsten / bitt vnd begert die reuwend see-
le / sie widerumb zu gnaden vffgenommen werd.

vij. Bekantniß eins Christenlichen gemütes / so zu
dem brennen des lebendigen wassers eylet / vnd sich
mit dem tröstlichen Gottes wort erlustiget.

viii. Auß den bösen fruchten vnd mangel der güt-
ten vernimpt vnd beclagt sich der Sünder / das wa-
rer Glaub / vnd rechte Lieb in jme nit gewesen sey.

ix. Wieder Sünder in Christlichem kampff vnnnd
streyt / damit vnser feindt vns on vnderlaß anlauf-
fen / nachlessig / ja flüchtig werden.

x. Wie

x. Wie der reuende von Gottes wort getröst/
sich hinfürther feck vnd männlich in gedachte kampff
halten solle.

xj. Also versicheret / versicht vnnd verlaßt sich das
büßuertig hertz gantzlich zu vnd vff Got in allem sei-
nem thün vnd lassen.

xij. Zu lest Opffert der mensch seine Beicht vnnd
sich selbs Got dem vatter durch Christum / vn̄ ist im
Glaubē durch verheißung götlichen worts gewiß/
jme alle seine Sünd veeziehen vnnd nachgelassen
seindt.

Das lest capitel.

Summarij erholung vorgeschribener Puncten/
mit danck sagung götlicher gnaden vnd gütthaten.

Beschluß.

Vil schöner sprüch götlicher gschriffen / ein recht
Christlich leben anzeigen.



Made vñ frid in Christo Jesu
Amen.

Der erst Punct.

Wir finden in heyliger göttlicher schrift das rechte ware büßfertigkeit / ja dz recht Christlich wesen / stehen vñ beruhe in abwerffung vnd nidertruckung des fleisches vñ seiner begird / in enderung vñ vernewerung des alten Adams oder lebēs / so der mensch anderwerts (das ist) geistlich geboren durch ein lebendigen Glauben im Geist vernewert wirt. Sölcher glaub nicht auß vns selbs / sonder eynig auß göttlicher gnade kompt one wölche der mensch so blindt / vñ voller finsternis ist / das er sich selbs / auch seine eygene blindtheit mangel vnnd gebrechen nicht sehen oder entpfinden / vil weniger sich bekeren kan / deßhalb nott / das wir von Christo dem waren licht erleucht werden / wiewol leyder vil menschen diß licht nit erkennen / dan die finsternis thut es nit annemen / sie mag es auch nit dulden noch leyden / welche aber in Christu glauben / denen gibt er gewalt kinder gotes zu werden. Beruffet vnd macht sie gerecht durch den glauben / beschicht also / das er jnen erstlich vffthut ire augen / der massen / das von jnen fallen / wie von sant Paulo / gleich als schiepen der irzfall vñ finsternis der vnwissenheit / das sie ire bößheit sehen / ire eygenhertz vñ gewissen zum zeugnuß führen / vñ vntheil wider sich selbs sprechen müssen.

Der ij. Punct.

Dan so wir vns recht vnd eygentlich ersuchen / befinden wir von natur nichts güts / sonder eytel böse neigung. In ein erblichen angebornen / mißtrawen / vnd

vñ vnglauben (ein wurzel aller sünde) gegē dem al-
mächtigen Gott / darumb wir ime nit vertrauen/
noch in auß gantzē hertzen lieben mögen. Also starck
vnd frefftig / haßtvnd wirckt in vns die sünde / vnd
das fleisch so wir auß Adam gezogen vñ gefogen ha-
ben / dz wir nit allain auß eygener natur nichts gūts
thün / sonder auch das böß / so in vns steckt / niterken-
nen / vnd noch vil weniger fliehen mögen.

¶ Der dritt Punct.

Es sey dan das vns der Herr locke / ziehe / ja gantz
gewaltigklich erschrecke / darnider schlage / vñ zeige
vns die rechten buzen vnserer bößheit vñ greuwel /
der massen / das wir vns selbs daruor entsetzen / zap-
peln vnd verzagen / ja nichts anderst vernemen / ent-
pfinden / oder wissen / dann todt vnd helle diß ist der
enge pfadt / dadurch wir müssen zum ewigen leben
eingeen / wie ein faden durch die holdē / so sich zwingt
an dem dz / biß sie durch kumpt / aber nit lang bleibt /
sunder bald den faden mit jr zeucht.

¶ Der vierd Punct.

Also sollen wir auch hie gar nit bleiben / hefftig
nach steen / es würdt sonst nichts darauß folgen dan
frefftige verzweifelung vñnd wie bey Juda / ewige
reue wir müssen widerumb auß vns selbst / vñnd
mitt dem verlorenen Dinn auß solichem vñnserem
hunger vñnd elend heim zū vñnserem Vatter den-
cken vñnd gehn / vnser augen vffheben in die Berg
zū Gott / von dem wir cynig hilff vñnd trost zū ge-
wartten haben . Sollen sprechen mit Dauid / das
du mich nidertruckt hast / ist mir zū gūtem erschos-
sen / dann ich dadurch lernen werd / deine gerecht-
machunge / der massen / das ich sie nimer mehr in ver-
A iij ges=

messung stelle. Demnach du mich / durch solch zum
leben geführt hast / lese den dritten vnd xxj. Psalmen /
Ja alle Psalmen durch auß / zeigen dir solchs alles
klarlich an. In solicher angst vnd not stunde Dauid /
da er sprach / es haben mich vmbgeben die seufftzen
des todts / vnd die schmerzen der hellen haben mich
überfallen / vnd auch da er spricht. Herze wohin soll
ich gehn von deinem Geist / oder wohin mag ich flie-
hen von deinem angesicht? Steig ich vff in himel / so
bist du da: fare ich aber zu der helle / so bistu auch da?
Diese forcht ist ein anfang göttlicher weißheit / daß
Gott hat sonder wolgefallens in denen so jnen forch-
ten / vnd doch trawen in seine barmhertzigkeit. In
dieser not sollen wir den Eherin schlangen (das ist)
Christum am Creütz / ansehen / jnen durch seine zusa-
gung erwütschen / vns an jnen vest heben / durch den
Glauben vnd vertrauwen in das wort Gottes / daß
wie das ende / also ist auch der anfang Christlicher be-
kerung büßfertigkeit / vnd alles güten / nit auß vns /
oder durch vnsern verdienst oder bereytung. Dann
diese erkantniß kompt nit auß blüt vnd fleisch / sonder
eynig auß lauterer güte vnd gnade Gottes. Psalm.
lxxix. Herze so du vns bekerest / so werden wir selig.
Item zu den Philip. am 2. cap. Der Herz der wurckt
in euch / 16. Hier. xviij. vnd am xxxj. Vnd der gleichen
sprüch (so vns Gott in der heiligen schrift fürhelt)
den menschen zu seiner selbst vñ zu götlicher gnaden
erkantniß führen mögen / wie solich zum theil in die-
sem büchlin eingefurt vnd angezogen werden / der o-
hauptort (do solch vrsprünglich gesetzt) du ersuchē
fassen vnd betrachte / solt mit folgender beicht / gar /
oder zum theil / oder sunst dergleichē meinüg dich vor
Got anklagen / vñ also über dich selbst gericht bsigē.
Der

¶ Der v. Punct.

Dañ wo wir vns selbst richten vnd vtheiln/wur
 den wir nicht geurtheilt/wiewolietzt leyder beinahe
 allenthalben der widerfinne gespürt/also das wir
 nimmer oder gar selten vns selbst/aber steths ande-
 re/richten/vtheiln/vnd also vnser eygenegerech-
 tigkeit anzeygen wollen/vnd nit allein Richten vnd
 vtheiln wir einander/sonder auch vñ zeitlichs güts
 willen/oder das einer in der ietzt schwebenden pun-
 cten des glaubens/anderer meinung ist/vnnd sonst
 Dorechter v:sach halben/ein ander neyden/vbelres-
 den/vnd wo wir vermögen/gewalt gefencknuß/vñ
 marter anlegendarzü ettlich geschwind vnnd eige-
 nützige menschen/so sie hören vnnd sehen/beyder
 stendt der regierenden vno:denlich/ergerlich leben/
 vnd andere mißb:reüch/so durch geiz vñ vnwissen-
 de hinlassigkeit der obern eingerissen/do durch die
 gemein hart beschwert/ja beinahe überladen seyen/
 vermeinends/sie wollen vnd mögē im schein ch:ist-
 licher freyheit (welche doch ist vil anderst dan sie jnen
 auß walschem verstandt einbilden) die habe vnd gü-
 ter der reychen vñ wolhabigen/fürnemlich/der von
 jn Pfaffen vnd geistlichen genannt/gewaltigklich
 einemen darauß dann mergkliche ergerniß / todt-
 schleg/endtpö:ung/zerzuttung der Läd:her schafft
 vnd comun zubefo:gē / ich geschweig der schmach
 Ch:istlichē namen/beuerabe/gödtlichem wort (wel-
 chem solche handlung stracks entgegen) also entste-
 hen vñ erwachsen möcht/dañ oberzelte ding nit des
 liechtes/sonder der finsterniß/nit des gotseligē fried-
 samen/gedultigen/sonder des irzigen schwindel vñ
 verführenden geistes werckfeindt. In betrachtung
 das wir das güt vnser nāchste/er sey was standts/

oder wie böß er wöll/nitt begeren/nicht eygene nach
suchen/nit böß vmb böß gebē/sonder sollen menigē
lich gūts gōnnen/nach allein vermōgen thūn vñ be-
weisen/meh̄ bereit seinzugeben/dann zunemen/vil
weniger/ja gar nichts mitt eusserlichem oder irdis-
chem schwert (so allein den regierenden befolhen)
fechtē oder dreyn/schlahē. 2c. Es sagt der heylig Pau-
lus/Vnser Wafen sein nit leiblich/sonder mechtig
für Gott. Nemblich das schwert des geystes/das ist
das wort Gottes/wölches nit allain sollicher eygen-
nütziger/auffrüriger/vnd obgemelter feindt gött-
licher warheit fürnemmen/sonder/auch alle andere
bößheit/sünd vnd irzfall klarlich entdeckt vnnd nach
götlichem willen abschneit/derhalb nutz vnnd gūt
dasselbig gantz frey noch seiner art vnangebunden
(treffwen es wil) vffrichtig gee/vnnd das vneben
herabhaw/wañ sonst müßt ie gottes wort (wo mañ
es zu predigen verbeut) mit vnd in ander weiß (wie
er selbst geredt) den gotlosen villicht hoher beschwer-
lich/außbrechen vnd fürkōmen/vnd wurd also der
heylig Geist (lauth des Herzen warnung) die welt
heimsuchen vnd straffen von wegen der sünde/des
vrtheils vnd der gerechtigkeit/darumb das sie auß
vnwissentheit gotliches worts den vater/nach seinē
Sone Jesum Christum nit erkennt/vil weniger in
jnenglaubt haben/Gott der Herze durch Hieremi-
am xvj. cap. beklagt sich/das ein yeder nach bößheit
seines hertzen sein eygen weg gewandelt hab.

¶ Der sechst Punct.

So doch alleine das götliche wort zeigt den richti-
gen weg zu der seligkeit/ist ein licht oder luzern vn-
fern füssen dadurch wir vnser bößheit vnnd irzigs
göt-

gottloß leben / gleich als in eynem spiegel sehen m^d =
gendarum wir solten billich vns tag vñ nacht üben /
das ziel / zweck vnd mal stat / so vns darinn / fürgehal
ten / nimmer auß den augen lassen / in wöldchem Chri =
stus am aller schönsten abe konterfet ist ja dar in
gleich / als ein fern in einer nüzß verborzen ligt die
göttlich weißheit / sie ist süß vñnd lieplich vber alle hö =
nig rasen / als d Prophet Dauid am xviij. im C. xviij
vñnd dann im xli. Psalmen fast schon handelt vñnd
mit freuden außschreit / welche Psalmen bit ich O
Christlicher Leser wöllest mit vleißer sehen vnd woll
beherzigen / du sonder zweyfel zü erforschung gött =
liches wort es der massen bewegt vñ entzundt / wirfst
Gott dem himelischen Vatter mit Christo vnserem
Herzen lobeh: vñ danck sagen / das er solch den wey
sen dieser welt verhalten / vnd aber den kleinen vnge
achten offenbart vnd entdeckt hat.

¶ Der siebende Punct.

Dann göttliche weißhait von eytteler welt witze
vñnd Flugheit so weit als himmel vñnd erden von
eynander / vñnd welt weißheit Geistliche ding zü
vrt hailen vñnd außzurichten ganz blindt vnd fhe =
lig ist seytemal zü gedachter welt weißheit / niea
mandt gefüglicher / dann die flügen brachtigen
menschen die von jne selbst groß halten / ire spitze
fundlein vñnd kunst schon schmücken vñnd vffbuzen /
werden vonn finden dieser welt hoch geacht vñnd
fürgezogen . So man aber fragt oder redt von dem
wort Gottes / seind sie als kindt ganz vñnwis =
sendt vñnd vnerfaren / wann sie habens nitt ge =
lernet / wollens auch nocht nicht hören noch wis =
sen / ja sie hassen vñnd meyden die / so sich auch in
der

der stille/on jre vnnd meniglich schaden in götlicher
 schrift vben/vnd gern von dem wort Gottes hören
 vnd reden on alle verachtung oder schmach anderer
 leut sie fliehen wie woll sie niemant iagt/erschrecken
 vor ein niderfallenden rauschendem blat/sie wöl-
 len christen geneñt sein/forchten sich doch vor seinem
 wort vñ vñtheil. Also gar nichts vernimpt der fleisch-
 lich mensch die ding die des Geystes sein. Wie Pau-
 lus zu den Römern am viij. cap. gar klarlich anzeigt.
 Auß welchem erscheint/das bey der fleischlichen vñ
 welt weißheit/wenig hartes Feins zu finden/sonder
 beinahe ist es eytel sprauwe äsch vnd staub/ja ein lau-
 there falsche tinctur vnd betrug/welche den streich-
 steineusserlicher rindē götlicher schrift (ich geschwei-
 ge der rechten proben des Geistes) nitt halten noch
 leiden mag. Was hulffe oder nützte es dir nun so
 du voller weißheit/ehren/vnnd reichthumb werest/
 ja ob du schon die ganze welt zu dir risset/vnd dar-
 gegen deiner selen seligkeit schaden vnd verlust lei-
 dest. Dañ alle pflanzung so mein himelischer vat-
 ter (spricht Christus) nitt gesetzt soll auß gereutet
 werden/der Herz durch den Propheten spricht. Ich
 werdt die weißheit der welt weisen zerstören/seit-
 mal die selbig vor jm nichts dann eytel torheit ist/er
 hat die schwachē dieser welt herfür gezogen/durch
 welche er die starcken vnd hochmütigen beschemet/
 wie auch die aller seligste Junckfrawe vnnd mütter
 Maria anzeigt mitt diesen Worten der Herz hat die
 gewaltigen von jrem still gestößen/vnd die nider-
 drechtigen erhöcht/sie ersettiget mit allē gūten/aber
 die Reichen hat er leer vnd hungerig gelassen.

Der achte Punct.

Also

Also suchstu/dz götlicher weißheit/lauterer mēschlicher wiß (so vil den glauben vnd göttliche ding belangt) ganz zu wider vnd entgegen ist / der anfang seiner weißheit ist die forcht des Herren / dero die allein vehig/die eins klein fügen / vnd (wieder Herr Matth. am funfften sagt) eins armen niderdrückten Geistes seindt / welchs eben der farben eine/heit dero (samt andern gedachts Vndes angezogen) ein recht Christen mensch / schon abgemalt vnd erkent wirdt/derhalb Gott seines worts verstandt/den kleinen vngeachtē verleicht. Wier selbst spricht das Euangelium wirdt verkündt den armen / verstandt/des Geistes / welche ire vernunft dēmpffen vnd sehen / allein bloß am wort hangen / fleben/vñ sich gētzlich darauff verlassen/wiedañ geschriben es sey dāñ dz jr glaubt/werd jr nit bestan noch bleibē mögen / demnach solche höhe dinge nicht durch mēschliche vernunft/sonder allein mit festem glauben gefasset vnn̄ erhalten werden / der Glaub aber kompt von Got mit dem wort durch das gehöre darumb wir mit Maria Magdalena bey den füssen des Herren sitzen/seine wort hören vnd also das best vñ nöttigst teyl auß̄erwelen sollen. Also seind jr meine Jünger spricht der Herr Johannis am viij. So jr in meiner rede vnd worten bleibt / dāñ seindt jr meyne fründ / so jr thünd was ich euch heisse. Nun kanstus ye nit thün du weißest / dāñ vorhin was sein will sey vnd was er gebiete.

¶ Der neünde Punct.

Möchtestu sprechen / man sagt sein genüg / man prediget das Euangelium taglich / ich weißte sein auch genug / wāñ ich nur darnachthet / Antwort / Das

das Reich Gottes stadt ja nit in hohen subtilen reden/worten/vilpredighören/oderbücherlesen/sonder es halt sich in der krafft/wirckung vnnd thetigkeit des geistes/darumb lüg was Predig du hörest/nicht alles so dir fürkompt/on vrtheil vnnd verstand auffraffest vnd glaubest/es sey der massen alles ware/güt gerecht vnd das Gottes wort selbst/so es gleich weit ein andere meinung ist dann wir mit allein Geist glauben/sonder sollen solche vorhin recht wollbewegen/brüfen/vnnd erkundigen/ob die selbige auß Gott/das ist seinem wort gemess sein oder nitt der innerlich geistlich mensch vrtheyle vnnd messet alle ding mit den richt scheyde götlichen worts wölches gantz eben vnnd schnur schlecht/schon/rein/vnd fein/als ein silber das sieben mal in einer Capel abgetrieben durchs feurwer gereiniget vnd gesaubert ist/es leidet keinen zusatz menschlicher außlegung der knecht ist nitt vber den Herren/mag auch seine wort nitt außlegen oder ziehen nach seinem gefallen/wañ solches soll noch kan niemandt thün/dañ der/so sie geredt hatt.

¶ Der zehende Punct.

Der mensch mag aber woll genade haben der außlegung/also dz er die schrift so vff ein ander dienet gegen einander hebt vnnd vergleicht/das ein dunckler spruch/mit oder durch einen anderen klaren vnnd richtigen erleutert vnd außgelegt wirt/wie die heiligen Lerer vnd Vätter herinn sich fleissig geübt haben. Auch noch heut bey tage ein yeder Christen mensch/dem gnad von Gott verliehen thün soll/vnnd mag doch ein yeder solchs nach dem Geist vrtheilen vnnd richten/ob es von Gott sey. Fürwar
yecine

ye eine schrifft (wo man sie recht gegen einandert
helt) legt die ander auß / seind nit so dunckel (in der
gemain daruon zureden) das du (souil dir zu der
seligkeit nott) sie nit verstan mögest / Wann sanct
Paulus zu der gemeinder Corinthier sagt / Ir mügt
alle weißsagen / vnnd Johelis am sechsten stath.
Sie werden alle von Gott gelernet / souil deren
zum Glauben beruffen vnnd außerswölt sein wöl-
chen auch der Herr verheißt den heyligen Geyst/
der sie aller seiner wort erinnern / leren / vnnd in
alle warheit führen werd / dann wen Gott nit inwen-
dig leret / vnnd durch seinen heyligen Geyst zu er-
kantzung der warheit füret / den rechten Glauben/
vñ vertrauen in jenen niteinbildet / der bleibt ewig-
lich vngelert / gotloß vnd vnchristen / darumb bitt
die kirch / das ist die versammlung / kum Heylger
Geist / erfülle die hertzen / 2c. Wie aber / vnnd war-
umb Gott auch seine außerswelten schwerlich fallen
mermalen (jedoch nit endtlich zum tode) jrzen vnnd
sündigen laß / hie zu berichten / ist nit vnseres fürne-
mens / dann es zu ferre von der bane abführen würdt.
Nun weitther spricht Christus . Mein wort sindt
das leben vnd Geist / dieser Geist warlich im selbst
nit widerwertig sein / wirt dem götlichen wort vor
vnd nachkommen / nit ganz lere lassen lauffen / vnd
ob schon du / so bald nit alles verstan magst laß dichs
nit jrzen / sonder fare tröstlich fort / dann wes dir
zu der seligkeit nott / wirdt dir der Herr nit verhal-
halten / sonder seine gnad verleyhen / dz du auch nach
seinem wort leben vnd dich darnach richten mögest
der heilig Geist (wie beuor angezeigt) ist so wilde
vnd abfluchtig / das er sich nach vnserm verstandt /
souil

souil vns dienet (wañ alle geschrifft eygentlich zuuer
 stehn/ist keinem menschen zur seligkeit notwendig)
 vnd nützig ist/nit reichte/vnd sich niderlaß/fürderlich
 so wir fleissig bitten vñnd sein von hertzen begeren/
 Gott der Herze wurckt vñnd erweckt in vns solche be
 gird zñ hören/zñ wissen/vñnd dem dan noch seinē got
 lichen willen nach zu komen / wañ der böß Geyst ist
 auch nit wider sich selbst/ erregt solchs nitt in dir/du
 wöltest dan das wort nach dem fleisch zñ deinem vor
 theil vñnd gefallen ziehen vñnd auslegen. Aber diß ist
 bald zñ mercken vñnd zuuerstan/wañ nichts ist so ver
 bo:gen/das nit offenbar würt daruñ bittet / spricht
 der Herz / so würt euch geben / wer do sücht der fin
 det/dem klopfenden wurd vffgethan. Daruñ bitt
 jnen eh: dir die eusserste schale des büchstaben vff
 brech/so würdestu bald sehen vñnd schmecken wie der
 Herz so süß vñnd nahent bey denen ist so jnen in der
 warheit anruffen.

Der eilffte Punct.

Nun möchtestu sagen/was gahet mich die schrifft
 an/bin ein leyhe/verstandt des dings nitt/ich ver
 traw den geistlichen Gelerten vñnd Predigernd dar
 umb/Antwort: War ist: es steht den seelsorgern for
 derlichst zñ/mit der geschrifft vñmbgan/das brot got
 liches worts brechen/dem volck rein vñnd lauter für
 legen/vñnd die Schäßlin Christi vff güte feiste wey
 de fürē/ist woll güet wo solchs also zugahet/wie aber
 wo dasselbig nit beschicht (als leyder an vielen orten
 zubeforgen) vñnd ain blinder den andern füret/fallen
 nit beyde in grüben: Oder so die hungerigen schäß
 lin begeren mit güter weyde des Euangelij vñ wort
 Christi gespeiset zñ werdē/aber man fñrt sie vff dur
 egeret

m

I-I

I-I

w

w

m

m

egert oder stuppeln / legt in für do:nen vñ distelen.
Sagst aber du / da laß ich sie vor sorgen. Ich sprich /
sorg du auch / ist dir dann so wenig an deiner seelen
heil gelegen: für war es gilt dir mehr: dan ein riemē /
ja mehr: dan die ganze haut / dan ey n yeder muß für
sich selbs dem almechtigen rechnung geben. Ad Ro:
ma. xiiij. So du nun das götlich wort clare rein vñ
vñuermischt hö:ren / oder selbst lesen möchst / doch
sölchs nit achtest / dich vñ ein andern verliessest / vñ
also sprech: für dē rechtē fern / oder giffst für gute arg
ney annimst / kan ich nit wissen wie du gesundt ge
speiset / oder entschuldiget sein mögst / so du mit an
dern in grüben fallest / ligest du ye nit weniger / als ob
allein gefallen werest.

¶ Der zwölfft Punct.

Damit du nun das güt vor dem bösen / vñ das
rein vor dem gemischten (als vñaugbar biß anhere
vñ nach beschehen sein am tag ligt) oder gefalschten
vñ unterschiedlich (so vil dir Gott verleihet) erkennen
möchst / zñ wem wöltest du sonst gan / dan mit Petro
zñ dem / der die wort des lebens vñ geystes hat / das
ist / zñ Christo vñ seinem Euangelio dem hellen lau
tern wort Gottes / als zñ einer gewissen prob / durch
welche du alle lere / predig / diß vñnd andere büchlein
(wie man durch ein streichstein das golt) probieren
eygētlich sehen vñ vernemen magst / wer vñ Moysi
still sitze / ob vñ wie ferre man nach desselbigen wort
ten thün solle / dadurch du auch der Wolff vor dem
Schaff vñ unterschiedlich erkennen / des rechten hyrtē
stimme klarlich vernemen / vñnd also jme nachvol
gen mögst. Der Herr durch den Propheten spricht
B Hieres

Biere. am vj. cap. Ich hab dich gesetzt zu ein Wech-
 ter. 1c. Lese dasselbig Capitel vnd Paulum zu den Co-
 loss. am ij. zu den Hebr. am viij. vñ der ander Epistel
 zu den Thessal. am ij. zu den Corin. der ersten Epistel
 am iij. cap. doer spricht / wer nit weiß / den wirt man
 auch nit wissen nach feñen. Item in der selbigē Epi-
 stel am xiiij. Es fellet auch Christus / Johan. am xij.
 ein erschrecklich vñ theil die wort Esaie am vj. anzie-
 hend. Welche so ein mensch recht beherzigē / wurdet /
 nitt wunder / jme seine har zu bergstiegen. Besehe
 Biere. xxiij. auch Math. am xij. vñ xv. cap. wirdstu
 findē weiter bericht / was hier zu dienlich ist. Wiltu
 ferner dich hiriñ erkundigen / so lese dz vij. cap. Sapi.
 vñ dz büch durch auß / wie der weise man die gödlich
 weißheit so hoch preiset / auch meldet er / dz fürnemen
 der gotlosen gegē den fromen / dargegē Amos d Pro-
 phet am viij. cap. zeigt diese zeittung gar klarlich an.

¶ Der xij. Punct.

Ferner merck / das alles so geschriben / ist / vmb vn-
 ser willen vnd zu vnser vnderweisung beschē / da-
 von auch kein punctlein feheln oder abefallen wirdt /
 ee must himel vnd erdreich zergeen. Nun were es ye
 vergebens geschriben / so man es nit vleissig ersuchē
 vnd beherzigen solt / vnd wiewol die gschrift allein
 dich Gottes willen vñ werck erinnern / dich weisen
 vnd lernen / so kan oder mag sie doch den Geist got-
 tes dem selbigen nach zukömen (wie eusserlich wort
 oder predig) nit / sonder alle in der Herz verleihen / ye
 doch gibt er den selbigen gar selten one mēschlich zu-
 thün oder mittel des worts / welches dan nicht gātz
 lebz außgeet / sonder so es durch das gehörs ins hertz
 vff

off ein güt erdtreichfelt / wircket Gott darmit vnnnd
schafft das solichs vffgānde zū seiner zeit vilualtig
frucht tregt.

¶ Der xij. Punct.

Sarumb soltu Gott fleissiglich bitten / das er dir
gnad vnd verstandt verleihe / vnd mittheile zu erfors-
chen seine Gebott / vnd götlichen willen / wie solichs
der heylig Apostel Iacobus an seiner forndern Epistel
leret wo yemant (spricht er) mangelt der weißheit /
begere soliche von dem der sie gibt / nēlich von Gott /
den er yederman frey on verwiß mittheilt / aber er soll
bitten mit gūter hoffnung vnd vertrauwen gar nitt
zweiffeln / so wirdts jm geben.

¶ Der xv. Punct.

Dieses hab ich also / mit der kurtz anzeigen wollē /
eyn yeden Christen menschen zū ermanē sich in erkun-
digung götlichen worts aller fleissenlich zū vben trō-
stenlicher zuuersicht / vñ vngewisselter hoffnung / d
Herz wird seinen Geist vnd rechten waren verstädt
seiner wort gebot vñ willēs / auch alles so vns zū leib
vñ seel not ist / laut seiner zusagūg nicht abschlahen.

¶ Der xvj. Punct.

Ferner soltu mercken / dz durch diß Beicht büchlin
die andere gewonlich in mündtlich oren beicht / so dem
Priester geschicht / nit verbottē / verworffen / auffge-
habē / oder abgethan wirdt / dēnach solche heimliche
oren beicht / fürderlich wo sie one ansehē mēschlicher
schāde / forcht / gebott / sond̄ frey willig von hertze be-
schicht / fast nutz heilsam vñ gūt. Auch den irrigē be-
schwertē / bekümmertē hertze vñ gwissen / nichts tröstli-
chers ist / dan̄ so es einē gotforchtigē / dapfferē / gelertē


verschwigen in Christo brüder vnd priester / sein an-
ligen oder sund entdeckt / vñ dan von dem selbigen /
mit götlicher gnaden zusagung wider gestilt / ent-
scheiden / vñnd getröst wirt / auch mit reuwendem
hertzen vnd gutem fürsatz (wölche ein rechter glaub
gewißlich mitt jm bring) Christenliche absolution
vñnd begnadung vernimpt vñnd sprechen hört. Son
biß getröst / vñ gang hin in friede / deine sund seindt
dir verziehen / dein Glaub hatt dich selig gemacht.
Nimpt hin den heyligen Geist wem jr die sund ver-
ziehendt den werden sie nach gelassen vñnd verziehen /
vñnd der gleichen andern götlichen sprüchen vñnd zus-
sagung festiglich glaubt vertrauwt / es werd jm
dermassen geschehen.

¶ Der xvij. Punct.

Seittemal aber du nit allezeit ein dapffern vers-
nunfftigen beychthörer bey handts haben / auch mit
allwegen vonnöten / magstu mit volgender oder
der gleichen götlichen schrifft (so Alt vñ New Te-
stament volist) dich deiner unde vñnd blödigkeit täg-
lich erinnern / Christum vnsern seligmacher vñnd
gnad bitten / dich / der so lang in finsterniß vñnd schat-
ten des todes gefessen / züerleuchte / von dem schlaff
der unde züerwecke / durch den Glauben dein hertz
nach jme züziehen. Als dan wirstu vñnd solt seiner
beruffung volgen / dich hinauff zü Gott erheben
durch Christum zü jm dringen vñnd vffschwingen
dich mit jme im Geist durch seine wort (durch wöl-
che er on vnderlaß mit vns redt) fruntlicher spröche /
im vestem Glauben vñnd tröstlicher züuersicht seiner
verheissunge (so er dir allenthalben in der schrifft ge-
thon)

than). erinnern vnd vermanen / vnd dich also durch
seyne tröstlich absolution vnd verzeihung im Glau-
ben stercken vnd erhalten / dan du Gott nit baß / dan
du Got nit baß / dan mit seinen eygen worten fassen
vnd heben magst. Er ist trew / gerecht / warhafftig /
was er dir zugesagt / wirdt er dir dapffer leysten vnd
halten / wie er dan selbs gesprochen. Hiimel vñ erden
werdē zergeen / aber meine wort werdē nit zergeen /
Alles was jr in meinem namen bitten / werdt jr er-
langen vnd gewert / lug nur / das du dapffer mit vff
richtigem glauben zu jme trestest in seinem namen
bittest / vnd nicht zweyfeltest / du werdest solchs ent-
pfahen dan aller gestalt wie du glaubst vnd vertrau-
west / also wirdt dir geschehen vñ widerfarn. Gnad
des herzen sey mit vns allen. Amen.

¶ Folgt die Beicht.

 lmechtiger ewiger barmher-
ziger Gott Herz vnd vatter / der vnse-
ren ersten vatter Adam (der so ein wun-
derbarlich werck deiner handt / eyn aller
scheinbarest anzeigung deiner götliche weißheit vñ
gewalts) auß einem erdt klumpen erschaffen / hast
jm deine bildtniß / eine vernunftig lebendig sele in-
gegossen / jm auch die aller lustbarlichste wonung
ingebē / darzu alle irdische creaturen vnder wo:ffen.
Vedoch vnangesehen aller deiner so hohen vñ frische
en gütthatē (die jnen billich von vngehorsam zu dei-
ner lieb / dienst / vnd gehorsam gezogen haben solten)
ist er von deinem gebott gewichen vnd abgefallen /
derhalben / er vnd alle seine nachkōmen / in diß elende
B in tale

raled der zeher / vnd in aller hant gebrechen / armüt vñ
durfftigkeit geworffen vnd außgetrieben. Auch sei-
ne nachkommen in angeborner vnd vngehorsam vñnd
widersetzigen willen / gegen dir / deinen gebottē / vñ
allem gūten / für vñ für beharrend / haben der merer
theil ire natürlichen verstand vñ gnaden / auch dein
göttlich Gesatz vnd Gebott (so du zū anzeigung der
sundt jnen geben) zū deiner eer vnd dinsten (derhal-
ben sie allein von dir erschaffen vñ verpflichtet gwest)
nit allein nicht angelegt / sonder solch deiner gnaden
gūtthat veracht / vñ darwider freuenlich gehandelt.

Das ander Capitel.

Were auch zuhauffung gemelter sünden vñ vbel
that / vnbetrachtet deiner offenbarn augenscheinlich
en warnung / haben gedachte Adams nachkömmling
deine botten vñ diener jnen zū heil vñ nutz von dir zū
geschickt / ein theils verspottet / eins theils elendig-
lich erschlagen vñ getödet. Vñ wiewol du Herr vnd
vatter vil mal dein zorn / ja gerechtigkeit erzeigt / sie
ernstlich gestrafft / hast doch solchs alles auß barme-
herzigen gemūd vñ neigung (so du allezeit gegē dei-
nen gehofftē tregst) solche deine feindt nit ganz ab-
thün / noch ewigklich (des du doch woll mit recht zu-
thün gehabt hettest) verderbē wöllē / sonder dz in er-
wegung d strafft vñ scherpfte der rūtē / sie von jrem
hertkopffige eygen sinnig / mütwilligem fürnemen /
auch von dienst vñ liebe d irdischen creaturē (daruff
sie dan den grössern theil gefallen vnd behafftet) zū
dir O gütlicher Herr vñ schöpffer gezogen / vnd also
ewigklich behalten wurden. Aber ietzt gedachte vber-
flüssige / vnaußsprechlich gnadē vñ gūtthaten / auch
harte straff gegen den vngehorsamen ergangen /

der

der bey jnen wenig erschossen/dan so du mere vnlen
ger sie zu deiner vnd ire selbst erkantnuß gereitzet/ve
niere sie sich vö dir geweitert/dein vn jrer selbs auß
verstockter blindtheit vergessen/vff jrdische ding ge
platzt vn gefallen/seindt (als zubeforgen) endtliche
daruff bestanden/in deinem zorn vnd jrer bindtheit
von dieser welt gescheiden/vn also indem (O gerech
ter richter) aller gerechtst vtheil gefallen.

¶ Das iij. Capitel.

Biß vn so lang O Herz himelischer vatter/du auß
götdicher erbermbde vn mitleidenden grossen abfall
menschliches geschlechts behertziget/darin gnedig
einschen gehabt/nacherfullung dzeit so von ewiger
deiner weißheit angesetzt/deinē einige Done vnsern
Herzn Jesum Christū in diß elend abegesandt/hast/
die so in sunden verstorbe/durch sein lebē vn leidē wi
der vom tode vfferweckt/die so vormals deine feind/
waren/nit allein als freunde sonder als seine brüder
(von dir durch seine menschwerdung ankindstat an
genömen vn zugewunscht)deines ewigē reichs mit
erben gemacht/jnen gwalt geben kinder gottes ze
werdē/die so in dein straff vn zorn gefallē/wider ver
sunet/vn also dein Dn zwuschen dir vn vns ein mit
ler vnd fürsprecher gestellt. Das iij. Capitel.

Ah almechtiger Got Herz Vatter vn Schöpffer/
mit wes hoher liebe/lob/vn dāck soltich armies worm
lein (ja d nit würdig deine creatur geneit werde) so
lich dein vberhohe gnadē vn güthate/on vnd laß mit
dāck sagūg/bedacht habē welchs ich doch leid (durch
ware anflag/meines süntliche gewissens) nit allein
nit gethan/sond) auch vilmalen auß eigner bößheit
vn mütwillē/deinē götlichen gebotten vngehorsam

B iij erzeige

erzeigt / hab freuenlich mit der that / vnd sunst in vil
weg / von dir vnd deinem götlichen wort gewichen /
dein gebot veracht vñ vbertretten / lange zeit meines
lebens / ab vnd irzigs wegs (wie ein Esel vnd viech /
so kein vernunft haben) gelauffen / das pfundt dei-
ner vilfaltigen gnaden / so du mir gegeben / nit allei-
ne zñ deiner ere vnd nutz des nechsten nit angelegt /
sonder solchs in liebe vnd neygung zñ irdischen crea-
turen vergraben / habe mich ernstlich in weg der boß-
heit vnd sunden bearbeitet / geübt vnd beflissen / dar-
in mir meine tage verderblich vnd vnnützlichen / ja
mit schweren sunden hingeflossen vnd erlossen sind.
Also / das mir einig vnd ferner nit mehr / dann das
grab vnd der tod vberig vnd verhanden ist.

Das v. Capitel.

Mere auch zñ hauffung meiner boßheit vñ scherp-
fung deines götlichen vrtheils / bin ich nicht allein
vnd anckbar gewesen vilfaltiger gnaden vnd güttha-
ten naturlicher gaben vñ vernunftiger selen / so du
allen menschen auftheilest / sonder auch deren so du
mir in sonderheit mitt andern Christen geben hast /
nemlich der seligen bottschaft des heyligen Euan-
gelij / auch der Sacrament deines ewigen warhafft-
tigen Testaments / so du mich durch solich tröstliche
zeichen deiner zusagung / einigung bundtnuß / vnd
erlösung zu uermanenz zñ dir meinem Herren vatter
vnd schöpffer zñ ziehen / damit ich mein gemüte vnd
Geist zñ dir erheben / thet dich als das höchste gute /
vber alle ding lieben / eren / mich allein in dir erfreu-
wen / frolocken vnd erlustigen alle mein wolart vnd
hoffnung allein in dich vnd zñ dir setzen.

Das

¶ Das vj. Capitel.

Aber diß alles almechtiger vatter / mein Herz vñ
mein Got / dir sey es flagt / ich nicht allein in rechter
däcksagung nit bedacht / sonder es leider in vergeß /
ja woll mag ich sagen / in verachtung gestellt / hab /
vff meinem bösen fürnemen vnd allwege beharret /
auß anlage eygener bößheit / dich zñ rechtliche zorn
vnd straff bewegt / bindardurch in dein vrtheil vnd
spruch / mit denen die deinen willen wissen / doch sol-
chem nit nachfömen / gefallen / hette woll derhalb vil
streich vnd schmitz verwirekt / wie so nun du gdacht
dein gerecht vrtheil gegen mir vollenstrecken / vnnd
zñ der straff gegriffen möchtest haben / yedoch o Got
Herz himelischer vatter / du für vnnd für biß anher
lange zeit / soliche gnedigklich verzogen vnnd vffge-
halten / ja souil mehr ich mein bößheit gehauffet / ye
mehr du meiner barmhertzig vnd gütthat / verlängt / er-
streckt / mich darmit gantz vberschüttet vnnd vber-
wunden hast / also das in diesem fall zwuschen deiner
göttlichen erbembde / vnd meiner bößheit / gleich ein
streit gestanden ist. Dann O Herz / ich habe dein er-
bembde durch vile vnd größe meiner sunden gar ab-
stricken / vnd also zñ zorn bewegen / dargegen hastu
durch dein vberflüssig gnaden mein bößheit zñ deck-
en vberwinden / vnnd mich zñ bußuertigkeit (also zñ
reden) zwingen vnd nötigen wollen.

¶ Das vij. Capitel.

Wölchs ich lange zeit (o gütiger vatter) verstock-
ter blindtheit halben nit vermerckt / noch wargeno-
men / yetzo erst in meinen letzten tagē durch erkant-
nuß deines worts (so me dann fein schneidend
B v schwer

schwertleib vnd seel durch dring) mich verstendigt
hast/ietzt beken/verriehe/vnnd gestehe ich/mich von
deiner erbermbde nun dalest madt vnd gantzlichen
vberwunden sein/darum nem dz vberig teile meiner
jare. O Her: mein Gott / damit des orts / da sund
vberhant genomen/daselbst widerum sich dein gna-
de verhauffe / abgrundt tieffe meiner sundt ruffen
ane die abgrund tieffe deiner gnaden/wan wie so ich
leider langst in sunden gestorben/schone begrabe vn
nun dalest erstuncken bin / hatt doch dein maiestat
mich vn alle so in dich warhafftig glauben/nach heu-
tigs tags von d sunden todt vff zu wecken / krafft vn
gwalt dein gotlich wort durch dringt himel vn erden
durchs welchs auch solche erschaffen dardurch vom
tode ich erlost/vn so ich daran hafft selig werde / wie
so ich im Tauff durch dein leiden dein glidt wordē/in
dich als ein rebe im weinstock gepflantz gewesen / so
lang ich in dir beliben/were/nit gedoret noch abge-
fallen / sonder durch rechte waren glaubē gutte fru-
cht bracht hette/vn aber auß einer boßheit ich von dir
gefallen/in rechtem chrislichē glauben gantz erdo-
ret/bin doch fester hoffnunge/so ich durch warer ewi-
gn vndurst zu deiner gnaden widerumb in dich waren
weinstock geimpfft vn ingeleibt / wnrdt ich hinfuro
durch dein gnade beharren / vn in dir ewigklich belei-
ben / das alles alleine enig mich auff dein guttig-
keit vnnd dein selbst warhafftigs worts zusagē ver-
lassend vn vertrostand. Sodurch den Propheten ge-
redt/in wölcher stund d sunder sich erkeñet vn seluff-
tzt wil ich seiner sundē nit meh: gedenckē. Du auch
selbst gesagt/sich erfrewē die engel in ere vber ein bes-
erten Sünder/dan vber neun vn neunzig gerecht

ter / vñ abermals es seindt nit die gesunde / sond die
franken des artz bedurffend / die schrift auch sagt
Wurckent büß / es nahet sich das reich der himel.

Das viij. Capitel.

Vff solche hohe tröstlich aller gewisse zusagung /
komen ich zü dir O Herre / als zü einē erfarnē artz /
ein fräncker / ich sihe vnd erken mein todliche krank-
heit / entdeck vñ entblöß solich / verbirg hierin ganz
nichts vor deinem götlichen angesicht / so du mein
hertz vñ sundt baß vorhin erkennest daß ich / Seitma-
len vnd du gedachten vnsern ersten vatter Adā auch
seinē Sone Chaym / vñ daß alle so sich vor dir verber-
gen vñ ire sunden verbergē vñ verhehlen wöllē / ernst-
lich gestrafft eins teils auch ewiglich verflucht hast /
dargegen die so sich vor dir entplößen / ir vberthat in
hoffnung der verzeihunge frey willig von hertzen be-
kenen / selig vñ gesunt machest / wie du in Altē vñ ne-
wen Testamēt anzaigst / vnd andern gesprochē hast
durch den Propheten / jr solt widerum keret werden
zü mir / so vilich mich auch zü euch keren / daß ich nit
des sunders tode / sonder sein leben vnd seligkeit / be-
gere / vnd du selbs gesagt. Ich bin nit komen die ge-
rechten / sunder die sundigen zü berüffen / darumb al-
le jr / so beschweret vñ dürstig seind / komet zü mir /
ich wil euch erquickē / das lebendig wasser mitthei-
len / alle so solichs versuchen / werdē nit mehr durstē /
auch nimmer sterben / sond ewiglich lebēd weil durch
warhafftiges vertrauwē / so sie zü dir habē auß irem
leib lebendig quellen in dz ewig lebē springē vñ auß-
fließen / in diesem wasser vñ brönnen des lebens / eile
ich O Gott Herre Jesu Christe / wie ein durstiger
hitz vñ dē hundē meiner vbelthat geiagt / weiß nien-
dert

der zu fliehen/dañ zu dir meinem erlöser vnd Gott/
bey dem ich ruhe meiner seelen entpfindt. Mir seint
durch mein feinde allanthalben grüben/fallen/vnd
verborzene strick zugericht/gestellt vnnnd gelegt/in
wölche ich/schwerlich gefallen/vnd darin leyder lan
gezeit gelegen mein fall vnd Franchheit/auß vnwiß
senheit deines worts/nit erkät. Aber du/mein herz/
hast durch' einsprechung des heyligē Geists mir so
lichszuuerstehn gebē/zü dir zü eilen mich vermanet/
vnd also meine strick zerbrochen vnd mich erlöst. Ich
bin wie obangezeigt/lang zeit jr: gelauffen/du
hast mich verlorens Schaff wider funden/vff dei
ner achßeln zü der herdt deines Schafftals getra
gen. Ich hette mein erbtheil/das du/O vatter/güt
willig mir gegeben/bößlich verzert/mich auch mit
spreuwer weltlicher weißheit/eigner vffsagung/
werck/vnd gütduncken gemestet. Aber du o Herr
hast mich zü sollicher vnreiner speiß vñ meiner selbst
erkantnuß bracht vnnnd geführt/hast mein innerliche
augen geöffnet/do durch ich mein vnreines hertzen
sünd/mein jrthumb/auch den falschen schein ver
meintes Christenlichen lebens in mir sehe vnnnd er
ken̄/derhalb ich schrey/vatter/ich hab in den himel
vnd dich gesündt/bin nit würdig dein Sone genant
werde. Bitt dich/nim/setz/vñ zeile mich zü den ring
sten deiner diener. Ich stehe als ein vbelthätiger vn
nutzer knecht mit nider gelassen augen/sprich mit
dem offbaren sündere/Herr bist gnedig mir ar
mer sündner/wie so ich nun solicher gnaden nit wür
dig/yedoch mich derozū deiner grundtlosen barm
herzigkeit/in verheissung deines worts (darin du
mir sondere hoffnung erzeigt) tröstliche versihe.

Seitmas

Seitmalen du zu rechtem warzeichen vnd sicherheit
deiner begnadung/mir ein feistes Kalb meines be-
trübten hertzens abgethan/gestochen vñ gemetzelt/
wölches ich dir (so ich leider nitt mehr hab / du auch
nit mir begereest) wid vff opffere vñ zu schicke. Herz
alinedtigger vatter/verprenne es/mit dem feuwer/
deiner liebe/dan in mir finde ich nichts das zu solichē
opffer/rein/dienstlich / noch vil minder dz gnügsam
sein möchte/ wie du meiner güter nichts bedarffest/
also kan ich dir nichts widergeben vor: soliche gna-
den/aber bößheit vnnd sünde findt ich häuffend bey
mir.

¶ Das ix. Capitel.

Demnach aber O Herz Jesu Christe ich solich mit
nichtē büßen oder gegen deinem vatter der gebüre
abtragen mag / lege ich sie / vff den Altar deines
Creuzs. Nim sie mit dir hinweg/so du doch bist das
Lemblin so hinnimpt die sund aller welt / warlich/
hastu bezalt was wir verschuldet / vnser frantzheit
vnd wunden hastu gelitten vnnd geheilet/ Was du
sonst von mir wilt haben/ es sey glauben / liebe oder
gütwerck/die gib mir vorhin von oben herabe/dan
alle gaben von dem Vatter des liechts herfließen/ on
niemandt zu dir. O Herze Jesu Christe / komet / er
werdt dann von deinem vatter gezogen / vñ wir one
dich oder auß vnsern freßten nichts güts anefahren
vil meniger aufrichten noch volnpringen mögen.
Ich weiß ye nichts güts oder ansichtigs zu abtrag
meiner sünd für dein augen vffopffern oder für zu-
tragen/nim ich den Glauben für mich/ so weiß vnd
befinde ich leider bey mir solchen schwache vñ gerin-
ge/ja

ge/ ja schier todt vnd erlöschten / ist des namens nitte
würdig / dieweilich nie so starcke beffrige zuuer sich /
vertröstens vnd vertrauens zu vnd gegen dir ge-
habt / das ich vff solches vertrauen / in dem Geist / al-
leding verlassen / mein creütz vff mich genömen / dir
nachgefolgt / vnd mich dir genzlich ergeben hette /
Es müste ye / der selb gütbaum des Glaubens / güt-
tefrucht der werck bracht haben / dermassen dz auch
allegewalt der finsternuß solchem nit hetten schadē
mögen / so ich fürther die lieb gegen dir vnd meinem
nechsten in mir ersuche / kan mit warheit nit sagen /
das ich dich ye von ganzem hertzen / auß meiner see-
le / vnnd mit ganzē frefften geliebt habe / demnach
diß feuwer der liebe / notwendig / auß dem glauben
folgt / auch nicht anderst kan dan leuchten vnd bren-
nen / das ist sich außgiessen gegen dem nechsten / vn̄
also den glauben mit den wercken erzeigen / darinn
wider gebot noch verbot sich irren lassen / dann one
not / man dem feuwer zu brennen gebiet / oder nit zu
brennen verbiet . Nun wo ich solich lieb warhafftig
gehapt / hette / ich auß art vnnd natur der lieb / dich
feins wegs erzurnet / nitt wider dich gethan / deine
Gebott frey willigklich gehalten / deiner wort nimmer
mehr vergessen . Klach dein so vil gütthaten zu ruck
geschlagen . Auch so mein will verhindert vnd ge-
brochen worden / nicht gezurnet / geclagt nach vnwil-
lig worden sonder meinen willen geren faren / vnnd
deinen oder des nechsten willen furgen lassen . Ja ich
het meniglichen / er were freundt oder feind / in die
vn̄ umb deinet willē von hertzen auß rechter liebe / al-
len frefften vermögen / mittrechter trew vn̄ mit der
that / hilff / fürdernuß / ere / gehorsam / gütthat / vnd
furz

Furtz alles so ich mir begert gethan wurd / gantz willig geleistet / erzeigt vñ bewiesen / mich keinē gewalt des Teüfels der menschen / oder sunden. Ja kain feuer schwert noch todt von dir oder von liebe des nächsten bewegen lassen / des alles doch dz widerspil sich in allem meinem leben (thün / vñnd lassener scheint dan ob ich schon dein ewig reich begeret / dich deßhalbeneusserlich geeret / vñ die peinder helbē gefurcht / hab ich doch hierin mehr mein eigenē nutz (vff dz ich nit ewig verdampt wurde.) dan fürderlich dein ere vñd lieb gesucht / vñnd ob in solcher forcht vñd sorgz muß etliche vermeinten güte werck ich gethon / Seytemalen doch die auß böser gifftriger wurzeln eigens nutz beschehen vñd entspringen / seindt solich gar nicht clare / lauter noch rein / dann ein böser baum kein gütte frucht bringen mag. Es seindt auch in meinem wercken andere böse vmbstende vñd heimliche butzen verborzen gewesen welch ich selbst nitt verstan / nach onedinegnade fliehen hab mögen derhalbē ich keins meiner gütten werck zu bezalung vñnd abelegung meiner sunde gnugsam erachten / nach für dein götlich angesicht dar thun kan oder mag / du wöllest dan diesen meinen geengstige geist vñd bekummerthertz (so du mir selbs auch auß genade verliehen) vffneimen.

Das x. Capitel.

Biñ hierumb almechtiger Got wie du durch dein götlich einsprechung ein reuwiges bußuertiges leben in mir angefenckt / dz du sollich außfüren / mich allezeit meins lebens dariñ behalten wöllest seitmaleins rechten Christen menschen leben für vñ für nicht anders dann ein bußuertigkeit / streit vñnd arbeit

arbeit des fleischs vnd des geistes/vñ gleich ein Ritz-
terlich fechten wider die feindt/ist vnd sein soll/zñ so-
lichen gefecht wie so ich mich vñ zñ schwach erkennē/
verhoff doch mit deiner hilff vnd beistand allen mei-
nen feinden vnd ansechtungen gesiegen vnd obzulie-
gen/fürderlich so du mich zñ solchem kampf frusten/
mir das Schwert deines götlichen worts/ vnd den
Schilt rechtens vestens Glaubens verleihē wirst/
mit wölchem Wafen alle so sich wapenen/nim̃er on-
sieg abziehen mit denen auch ich mich mein innerliche
angeborne feindt/nemlich eygens fleischs/nutz vnd
gütduncken/zeitlich belustigung vnd irdischer liebe
(so in schein vnnd gestalt der fruntschafft/mich von
rechtem weg aller hefftigst abziehen) mich erweren
mag/dañ der gütsame deines worts neben gedach-
ten vnkraut/sampt dessen/so der eusserliche feind on-
vnderlaß in zeit meines schlaffs zñ sehen sucht / stat-
lich nit vffgan / oder wachssen kan noch mag/der-
halb. O Herz vnd vatter in mitten meiner feindt vñ
ansechtungen / hab ich meine hend vnd augen zñ dir
in die höhe der himmel / wöllest O Herz eylends
mir zñ helfen vffsehens haben / wider den alte Adā
das ist / meiner vergiffen natur begirten / wöllest
mir beystan / solch helfen in mir tödten vnd nider-
drucken/dañ ich sonst nit anderst/wañ durch dessel-
bigen tod zñ dir kommen mag. Es sey dan das wir der
welt gecreuziget / gestorben vnnd begraben/vnnd
gleich anders werb im geist geboren / ja ganz wie
finder werden / mögen wir nit eingeen in das reich
der himel / dan wer hie sein hoch schertzte der verleu-
ret es/etc.

Das x. Capitel.

Darumb

Darumb wöllest O Herz himelischer vatter mei-
ne innerlich freffe mit dem rechtē Geist vernewē/
also das ich den höfel des fleischlichen menschen ab-
ziehe/vnnd leg mich an mit ein newen menschen/so
nach Christo gebildet ist/wöllest mich auch in bespren-
gung des blüts deines Sones waschen vn̄ reinigen/
domit ich mit jme widerum̄ vfferstehē/vn̄ fürther al-
lein er in mir lebē thu/wölches nit anders dan̄ durch
deine gnad des rechtē festen glaubē bescheen mag/
durch welche ich alle zeitliche dingē veracht / dir al-
lein anhangē/dich vber alle ding liebe/vn̄ in dich all
mein hoffnung setz / der wegen mein Schöpffer vn̄
Herz/verleihe mir sollich/ glaublich vertrauens/
dadurch dich tröstlich vatter nennen/vn̄ mit war-
hait sagen möge/nit mein/sonder dein will geschee/
in himel vn̄ vfferden. Als dan̄ werdē auß dem gūten
baum des Glaubens gūte frucht der werck wachse-
sen/vnd auß eigenschafft der liebe (so den̄ Glauben
gleich/wie hitz vnd licht dem feur eingeleibt) al-
les mein thun vnd lassen dem nechsten erschließlich/
vnd derhalbē dir gefellich werden. Wan̄ kein werck
gūt ist / dann das so dir gefelt/vnnd du für gūt an-
nimmst/aber du lasset dir nit anders gefallen dan̄ so
es auß dem Glauben geschicht durch welchen wir
dich erkennen / die erkantniß gebirt in vns dein lieb/
vnd dich lieben macht williglich halten dein willen
vnd Gebot/dein willen thun macht seligk. Also vol-
get dieses alles vrsprunglich auß lauther deiner gū-
te vnd gnaden/ durch welche du vns den̄ Glauben/
vnd also alle ding durch den selbigen gibst vnd ver-
leihest/darumb alles was wir gūts thun/wirken/
ja alles dz wir selbs sein/ kumpt lauter on alle mittel

¶ auß

auff dienen gnaden / soll auch dir vñnd nit vns zuge-
schrieben / ja als dem selbst werck geacht vñ geschezt
werden / dann du yeder recht ware bauwan vñnd
werck meister / der do alles wirckt in vns allen / allein
begerend / das wir dir vnser hertz geben / das ist / all
vnser sach / vñnd vns selbs frey zñ dir stellen vñ setzen /
vff dich verlassen / vñnd als gñte miltebodtē vns von
dir gerne arbeiten / bauwen / vñnd so du vns wider-
wertigkeit vñnd anfechtung zñ schickst / reissen / gras-
ben / vñnd schneiden lassen / in wñlichem alle krefft vñ
volkñmenheit deß Glaubens erzeigt vñbewert wer-
den. Aber solichs auch nicht on dem sonderer genade
beschehen mag / dar wir durch gedult in zeit der an-
stöß vñnd wellen der anfechtungen / vns an den fels-
sen Christum vestiglich halten / daruff bestan vñnd
also vnser leben erhalten mögen / das fleisch vñnd sein
begirlichkeit rñdtē / vñ gleich wie der Same oder korn
lein in vns selbs sterben vñnd ersaulen / vff das dein
Geist in vns verneinwet / also auffgang / damit zñ sei-
ner zeit vilfaltig geb / vñnd solch dein gnad frucht / feu-
wer / vñnd liecht zñ nutz dienstbarkeit / vñnd besserung
des negsten / in vns dermassen leucht / schein / vñnd
außbrech / da durch dein almechtiger Vatter der im
himel ist (wñliches ehre wir hierin suchen sollen) gee-
ret vñnd gelobt werde.

Das xj. Capitel.

Dañ ich weiß auß insprechung deines götlichen
worts vñnd verheissung / du alles so ob angezeigt (so
ferz ich mich deinem willen gantzlich ergebe) thun
vñnd wirken / wurdest / alles so dir dein vatter gebē
endē

endelichen nit verderben lassen / wie du nun alle vn-
ser sunden hingenommen auff dich geladen die versehe-
net vnd bezalt hast. Also wirstu auch meine seligkeit
(so ich durch eyn festen Glauben in dir hast/bleibe
vnnnd besteh) nach deiner zusagung vollentz auß-
richten vnd volnziehen. Dann wie möcht ich dieses
in zweyfel stellen / so ich auß den ergangen deinen
wercken vnnnd gnaden (du allein menschlichen ges-
schöpfft / sonderlich mir one einige vorgende ver-
dienst bewiesen) die zukunfftigen woll abnemen vñ
ermessen kan / dartzu bin ich durch anzeigung dei-
nes worts gewiß / demnach du almechtig / das du
alles obangeregts zuthun gewaltig vnnnd seytmall
du mein Vatter/Schöpffer vñ Erlöser / zuuerschaf-
fen ganz willig vnnnd geneigt bist / doch so ferre ich
sonst kein hilff / trost / noch zuuersicht / dann zu dir
vnnnd in dich wisse noch haben wölle / wie ich auch so-
liches im Tauff versprochen hin fñhrt herz Jesu Christ/
durch deiner gnaden hilff vnnnd beystand mich allein
zu dir halten / also thun / vnnnd dem nachkom-
men will / wann du ye enig mein leben trost vnd
hoffnung bist / der Weg / die Thñr / das Liecht/
vnnnd die Warheit / wer in dir vnd durch dich wan-
delt / mag nitt verirren noch abweg gan / Wer dir
anhangt ist eyn Geist mit dir / vnnnd selig seind al-
le die in dich hoffen / dein wort hören vnnnd leysten/
du bist enig die Glori / Ehre vnnnd Schein deines
Vatters / zu wölchem niemandt dann durch dich
kommen mag / dann ye sein will / das wir an dich
Glauben/ vnnnd an dich hören sollent / sonst ist kein
weg / noch kein name weder im himmel noch vff
erden / in dem wir Selig mögenn werden. Wie

nund ein himmelischer Vatter durch dich sein ewig
wort himel vnd erden/vñ alles so darinn ist/erschaf-
fen/also hat er auch soliche nach iren abefallen durch
dich erlösen wollen/vns so hoch vñ fast geliebt/das
er dich seine einigen Son vor vnserer Sünde in den al-
ler schmelichsten todt geben.

Das xij. Capitel.

Hierumb Herz himelischer Vatter/nim auff dei-
nes Sones meines Herzen vñ selichmachers mēsch
werdung leiden/vnd sterben/als ein wolriechends
Opffer/pfandt vñnd bezalung für mein vnd aller
welt funde. Herz Jesu Christ/nim von mir an diese
Beicht/als meins sundigen bößhafftigen hertzens
willige anlage/croffnung vñ bekantnuß/welches
so es sich ietzt erkēnt vnd bezwingt/bin ich der hoff-
nung du werst solichs nit verschmahen/dañ sonder
zweifel/du mich derhalb erschreckt/vñnd gleisch als
nidergeschlagen/hast mir mein armüt/elendt/blö-
digkeit vnd sund vor augen gestelt/vff das ich in mir
selbs verzagte/vnd ferner allein bey dir trost/gnad/
vnd hülff suchte/mich also durch solichs vertrau-
we gleich als vom tode erweckest vnd erquickest/wie ich
auß deinem gnediglichen zusagen mir zū gescheen
in kein zweifel stell/demnach du gesagt kanstu Glau-
ben/alleding seindt dem glaubenden möglich dar-
zu hastu mich geheissen solichs von dir zubitten vnd
zugewartten/ja ich gleich ietzt mit den innerlichen
oren meins hertzen höre vnd vernem deine tröstliche
wort/so du zū den Francken vñnd sundern gesagt.
Standt vff gang hin in fried/lüg funde fürther nitt
mehr/dein sund werden dir verziehen/derhalb enich
sprich

ſprich / iez weiß ich warlich / der Herz seinen engel
götlisches trösts mir zugesant / mich von den banden
der sunden / vnd von auffwartung des volcks / vnd
gewalt des Teuffels erlöset hatt. Hierumb one vn-
derlaß auß allen frefftē meiner selen in dāckſagung
aller ſollicher deiner wunderbarlichen werck vñ güt
that mitt der hochgelobten Mütter des Herzen /
ſchreieich vnd ſinge in dem Tempel meines hertzens.
Mein ſele lobt vnd ehret auß die gröſſe des Herzen
vñ mein Geiſt hat ſich erfrenwet vnd erhebt in Gott
meinem heil / demnach er ſo gewaltig gröſſe dingē
mir bewiſſen / mich ſein kind vñ diener allein eñſſig
auß gnade vnd erbermbde wider vſſgenomēn hatt.

¶ Das xij. Capitel.

Also weiß ich Herze himmeliſcher Vatter /
durch anzeigunge deines worts / da einig die ſo ſich
arm vñnd durfftig erkennen jr armüt / dir veriechen
vnd bekennen / durch dich reich ſeindt. Darum Herz
mein Gott / ich beken dir mein armüt vñ gebrechen.
Herz ich ſtec bekenntlich (wie du mich auch gelert vñ
vnderwieſen das ich nichts anderſt bin dan ein eyt-
tel ſchatten des todes / ein klumpff der verdamnuß /
ſo billich geworffen ſolt werden in euſſerliche finſter
niß vñnd ewig ſewer. Ich bin ein greuwel vnd ab-
grundt voller ſund vñ bößheit / ein vnnutz vnfrucht-
bar erdtreich / welch one deine benedeyung weder
blüt noch frucht bringt / dan eittel jrſal vnd tod / vnd
ob ye ettwas güts in mir geweſt / ſo iſt das von dir
kommen / hab ich noch ettwas gütes / ſo iſt es alles dein
bin ich ettwan vnfrucht beſtandē / ſo haſt du mich ge-
halten / bin ich aber (als leider vilmal) gefallen / ſo iſt

es durch mein bößheit bescheen / were auch also für
vnd für im fath gelegen / wo du mich nit vffgericht /
ich were (wie vor) noch blindt / wo du mich nitter
leucht hettest / do ich gefiel / were ich nimer vffgestan
den / du hettest mir dann deine hand gereicht / vnnd
das so fast / das noch dem ich vffgestanden were on
vnderlaß widerumb gefallen / du hettest dann mich
gehalten / ich were offt in grunde versunken / wo du
mich nit erwuscht / geführt / geleitet / vnnd ober mir
gehalten hettest. Also O Herz / also ist mir alzeit dein
gnade fürkommen vnnd fürgelauffen / mich erlöset
von allen färligkeiten / mich erlöst vnnd außbrachte
von gegenwertigem schaden / bewaret vnd enthal
ten von kunfftigem vbel du hast die strick vnnd fal
len der sund vor meinen füßen abgehauwen vnnd
mir entzogen die vrsach der sund / dann wo solchs
nit bescheen / were ich in alle funde gefallen. Aber du
hast mir gebotten die sollichen zü fliehen darzu gnad
verliehen / das ich dienen wortten geglaubt hab. Also
du O Herz mich erhalten vnnd vfferzogen / hast
mir liecht vnnd gnad mitgetheilt / dich zuerkennen
vnd zü lieben / dann sonst ye seindt wir alle gleich ey
nem vnsaubern rüch freuvelicher franckheit / kom
mende von verfallenden wüstem erdflumpffen / tra
gen vnser vn sauberkeit / wüßt / vnnd vnflät (so wir
dir dem alleding wissende / nitt bergen funden) an
vnsern stirnen / es were dann das du (als der einig
rein) vns reinigest vnd sauberest. Aber von vns fin
dender menschen / machst du dierein / in welchem
du gefallens hast zu wonen / die auß vnergrunde
lichen hohem Radt vnd heimlichkeit vnbegreiflicher
göttlicher weißheit (wie woll vns verborgen doch al
lezeit

lezeit gerechten) vñtheil / du on einigt ire verdienst
vor der welt auß der welt / von der welt berufft / in der
welt erlich erhöcht hast. Aber dieses thustu nicht ye=
derman / wölches doch höchlich befrembder alle wei=
sen dießer erdt. Vñd ich O Herze solliches betrach=
tende / erschrick vñd entsetz mich von höhe vñd tieffe
deiner weißheit vñd wissenheit / wölche wie so ich kei=
nes wegs erreichen noch begreifen / yedoch sehe
vñd erkenn / das auß deiner vñdaußsprechlicher ge=
rechtigkeit vñtheil / magst auß gleichen erdt klumpf=
fen vñnd auß eynem leyden / etlich gefäß vñd ge=
schir zñ den ehren / vñd aber etlich zñ ewiger schandt
vñd verachtung. Vñd warlich auß vñd durch grös=
se menig / vñnd viele meiner sunden / bößheit verschul=
dung / ich begangen / vñnd noch täglich on widder=
streit / one vñderlaß mit hertz / mündt / vñnd that /
in aller handt weyse vñd gestalt / so menschliche blo=
digkeit sunden mag / stets vber vñnd verwurck / lan=
gest verzweifelt möcht haben / wo dein wort nitt
fleisch worden in vns gewonet het / derhalben ich zu=
nerzweifelen gar nit willens / dieweil dein Sonedir
biß in todt / ja in den todt des Creützes gehor=
sam geleistet / hatt die handtschrifft vñd schultzet=
tel vnserer sundt bezalt / hingenommen vñnd an sein
Creütz gehefft / sund vñnd den todt durstochen vñd
erwurt. Also erhole vñnd erquick ich mich wider=
umb tröstlich vñd sicherlich in vñnd vff den / so da
sitz zñ deiner gerechten / vñd bit für vns in wölchen
so ich all mein tröst / hoffnung vñd zuuersicht stel=
le / denck zñ dir zukommen / in vñnd durch wölchen
wir vom Todt erstanden / auß gefencknuß vñn gwalt
des todes erlöst / auß finsternuß der sund vñ der vn=
E iij wif

wissenheit kommen / vnnnd widerumb zu neuwerung
des lebens gefüret seind / derhalben dir O Her: him-
melischer Vatter / durch Jesum Christum vnsern
Her:in / wir auß ganzem hertzen / gemüt / vñ auß al-
len freffen vnserer seel / herligkeit / ere / lob / vñ danck
sagen immer ewiglich / Amen.

Folgt ein schrifftmessiger bericht / wie
man das heylig Creütz / finden / erheben / vnd ee-
ren / auch Christo vnserm Her:in in gedult nach
tragen / in seine füßstapff treten / vnd im
nachkommen soll.

Allen Christglaubigen vñ liebhabern des creützes
Christi / sey gnad vñ frid von Gott dem vatter durch
Jesum Christum vnsern Her:in / Amen.

Anfang.



Eist gütherziger leser schmerz-
lich zu bedencken / das wir den Her:in zu
dieser zeit / durch helle stim̃ seins Göt-
lichen worts mere / dañ von zeit an der er-
sten Aposteln / schreyend vnd klopffenden / weder se-
hen noch hören wollen / die Prophezey Esaie am. lxx.
capitel würt an vns leider mit warheit erfult / da er
sagt. Ich hab euch gerufft / vñ jr habt mir nit geant-
wort. Ich hab mit euch geredt vñ jr habent mich nit
gehört / dañ so wir vnser hertz recht examiniren / er-
forschen vnd erinnern / erfindet sich / das wir Gott
vnsern getrewen Her:in vnd Vatter nit lieben auß
ganzem freffen / wie wir in ansehung seiner höch-
sten güte vnnnd güttbaten billich thun solten / sonder
auch

auch wir mögen jme (der ein Geist ist / nach vnser
fleisch art / weder trew noch holt sein / dann also der
Herr im erstē büch der Geschöpfft sagt. Mein Geist
wirdt nitt ewig pleiben bey dem menschen / dann er
fleisch ist / vnd abermals sagt Moyses / des mensche
hertz ist von Jugent an böß / dabey woll abzunemen /
das wir vß vns selbst kein günten gedanken vermd-
gen. Ja das wir von natur vñ dem alten Adam her /
nit anders sein dan ein klumpeder verdamnus / vñ
(das am aller färllichsten ist) das wir auch dasselbig
nit erkennen / so gar sein wir durch den fall verblindt /
so gar ist vnser natur verbert vnd der mensch in jme
selbs vergiffet / wöllichs auch den Heydē zum theil
nit verborren gewesen / vnder denen / der weisesten
einer sich selbst erkennen für die höchsten kunst ges-
halten hat / das wir aber Gott vnserm Herzen noch
gefalner natur / auß allen vnsern freffen / macht vñ
gantzen hertzen (wie wir zuthun schuldig) nit liebē
auch nit treuwen dienst oder gehorsam leistē / bedarff
nit frembder weisung. Alle vnser werck vnd leben /
gebend diesen zeugnuß mehr dann genüg / die wort
Christi müssen ja war sein / da er spricht / wer mich
liebt / helt mein lere / ob wir nun das thun / frag sich
ein yeder selbst / wirt jm sein eigen hertz vñ gewissen
günten bericht vnd kuntschafft gebē / dan was mögē
gemainschafft haben / das liecht vnd die finsternuß /
welche (als sanct Johannes sagt) das liecht nit be-
griffen haben / was vß dem fleisch geborn / das ist
fleisch / wölches art ist / das es schwach faul vñ grob
ist / vnd geistlich ding nit vernemen mag. Ja es fect-
et vnd streittet mit allen seinen freffen darwider /
wölches du zum aller clarsten spüren vnd abnemen
C v magst /

magst/so dir der Herz ein theil seines creützs (so er
vns doch fleissig beuolhen / auch das selbig vorgetra-
gen hatt) zuschickt vnnnd vff legt . Ach Got wie sein
wir jm so feindt / wir solten vns darinn mit dem heil
gen Paulo vberheben vnd rhümē / so sehen wirs (so
es kompt) so vbel an / entpfahen es so vnwiß / das
Gott erbarm . Also / das hochlich zubeforgen die artz-
ney / so vns die geile den stolz vnnnd vbrigen pracht
vertreiben solt (gedeye vns zu giff vnd schaden vn-
serer sele / das freütz vnd weg weise so vns zu ewiger
seligkeit die recht straff weisen solt / wirdt mermal
durch vnser vngedult vnd mißglauben (wo wir die-
sen nit warnemē) verkert / das wir die vnrecht straff
ein holz weg hinein faren zu ewiger finsternuß / dar-
umb das wir so vndultig drab werden . Seitmal wir
wenen / wir wissen den weg / so fragē wir nit / farē als
so frey für / die gebanten straff hinauß / vergessen des
engen pfads / so zu der seligkeit tregt / wir achten vns
selbs gesunt / darumb fragen oder gedencken wir
nach keinem artzet / Ja wir mögen kain artzet ley-
den . So man spricht / wir sein frantz / vnd zeigt vns
dasselbig / an wölchem ort / will vns raten vnd helf-
fen / so zurnen wir . Als so man sagt / es sey nit genug
das wir Christen genant / vns getaufft sein / &c . Son-
der das wir auch vnschuldig / gedültig / gotsfurchtig
sein / gütt Exempel vortragen / den nächsten als vns
selb lieben / rechtschaffne frucht des Glaubens thun /
vnd bringen aber das schmeckt vns nit . Dargegen
wir vns vil dings selbs on cinchen befelh Gottes
vornemen / sagen es ist alles gütt / was auß güter mei-
nung beschicht / wa stahet das aber geschriben / der-
halb mögen wir nit sicher noch gewiß sein / obs Got
gefallt /

gefalle / wir wenen es sey gnug das wir Messba-
ren/geben ein almuß (hie willich nichts das güt ist/
veracht will auch solchs so offft noth erhölet vnnd bes-
zeugt haben) Stiffren ein jarzeit/machen vns selbst
vil creütz / kniend dar für nider / tragen sie hoch ent-
bor/man gibt darzu Ablass/dann legt mans nider/
dann richt mans wider vff / man nennt die Birchen
vnd Altar darnach/ich geschweig die Creütz / so an
Büchern / Büchern / Grebern gemalt / gehanwen
vnd verzeichnet sein / wir wöllen yedas recht Creütz
das vns Gott zu schickt mitt vnseren selbst gemache-
ten creützen verdrreiben/dann was hilfft das/ob wir
gleich vol creütz hingen / so wir das recht creütz wie
es Gotteynem yedem vfflegt / nitt tragen wöllen/
ich laß sein das einer jme selbs souil creütz mache/als
er will / Silberen / Gulden / Beinen / Steinen/
Irden / Hülzen / man machs formen vff den Rock/
oder vff den Mätel/einfach/zweifach/Plaw/Roth/
Weiß/Schwarz/vff hentschuch/vff Schwch/einer
macht creütz oben vff Fron / der ander vff die Ross-
zewm / vñ an allen zewg biß an die hüff eyßen hinab.
Ich sag solchs daruñ nit/das mandz bild vñ gleiche-
nuß des zeichen darañ wir erlößt sein / schmehe oder
vneren soll/sonder wie erst gemelt/des zeichens war
nemen/ wo hin es deut/damit es nitt vergebens do-
stand / mann braucht es in feltleger vñ schlachten
vorlosungen vnd zeichen an rücken / so die Christen
einander / schlagen / schiffen vnnd würgen/malet
man es in streit fenlin will creütz mit creütz bestreite-
ten/vnnd müssen also die creütz ein ander feint sein/
hanwen vnnd stechen one alle gnad morden vnnd
döten in Summa sich / als eytel Deüffel gegen ein-
ander

ander halten/wütten vñ zerbrechen/dieses vnch:ist-
lichen wesens ist leider bey vns so vil/das mans nitt
alles erzelen kan oder mag/noch seint wir so blind vñ
verstopfft / das wir es nit sehen oder ie nit besseren
wöllen / also auch mit eignem schadē (wölcher doch
vnuernufftig sihe warnet) nicht witzig werden/ vñ
mögen vns herin vnser gemalten creütz (der wir
vns also zu entschuldigung vnserer Thorheit vñ vn-
glaubens wider den Glauben brauchen) nicht helf-
fen noch entschuldigen / noch het ich beynabe der be-
sten creütz vnd die wir am liebsten tragen vnd habē/
vergessen/namlich kreutz so man vff Göllden/batz-
en / vnnd ander münz schlecht. O diese creutz thun
dem rechten creütz vast wee / ja wir thun vns selbst
allermeist den schaden / were vil dings güt wo man
es rechtpraucht:/hilff Gott/was gemachter vnnd
irdischer creütz: Ich will oder kan nit den halbē theil
erdencfen oder erzelen: Noch find ich vnder den allē
kein heilig oder himelisch creütz/wo wöllē wirs nun
suchen: Müssen wir zum heylgen Grab zihen: oder
wo wöllen wir hinauß das wir es finden / wie main-
stu: Ich glaub du soltest nit weit durffen lauffen/sol-
test es woll bey dir im blüssen tragen / vnd soltest es
nit wissen/für war wo wir recht suchten möchtē we-
nig gefunden werden/die nit ett was vom creütz het-
ten/vnd doch der merer theil (seitmales druckt) wol-
ten es gern mit allen frefftē von jnen werffen: Aber
der Herr sucht vns also daheim / er will sehen wie
wir in entpfahen/demnach er allweg das creütz mit
ime führt / wöllen wir nun dasselbig nitt haben / so
müssen wir auch sein entberē. Es ist bald ein creütz
oder stangen/vffgehaben/getragē da bey gesungē
vnd

vnd nidergefriet/wir pleiben aber gemainlich dar-
nach wie dar vor. Es gehört fürwar zu dieser franck-
heit ein ander Recept/d^r Herz laßt sich mit so schlech-
ter münz/nit bezalen/wir sehen zwar die straff vnd
heimsuchung vor augen/wir haben woll so glaub-
würdig kuntschafft vñ botten/als vor zeittendie von
Viniue/welche jrn zu funfftigen schaden nur vonn
eim frembdling außlendischen vn bekanten höreten
verkundigen/vnd jme glaubten/wor wir nun die
augen offthun/möchten wir Gottes zorn vnd straff
nit allein sehen/sonder (also zu redē) auch greiffen/
derhalb fürwar hohezeit/wir wie die zu Viniue/nit
allein vnser gewant/sonder vil mehr dz alt böß/gots
loß leben veranderten/legten ab/neidt/haß/böse be-
girden/geitz/stoltz/vnglauben/vetrautten Gott
vß gantzem hertze/setzten all vnser sache frey zu jme/
hielten vns fest zu seinem wort/so wurden wir bald
inē was wir fernersthun soltenda were es gewiß/
bey vns/ob gleich die anfechtung nitt vffhöret/so
wurds doch vns nit so schwer. Ober da wollen wir
nit an schmecken/da fliehen wir das creütz wie der
Teufel/vnd so wir wenen wir wollen jme entpfles-
hen/so fallen wir erst recht darein/dan müssen wirs
tragen/wollen oder wollen nitt/das ist auch das
recht vñ theil/demnach wer sich sein getrewen Vate-
ter nit lassetzihen den zeugt gemeinlich der hencker/
wir wollen je am creütz das vberzwerg holz nit ley-
den/wollen es alles ganz eben vnd schlecht haben/
Nun muß an eim creütz ein zwerg holz sein/sunst
were es/kein creütz/wiltu nun alles haben/machen
vñnd thun nach deinem willen/so bedarffstu keins
Gottes/keines Vatters/so bistu auch nit sein kindt.

Jader

Jader gestalt so werestu auch nitt sein geschöpff / da
behüt vns Gott vor. O Herz was machen wir vß
vns selbs / sage an / wie solte es dir gefallen / so du dein
kind gestrafft hettest / vnd es als bald daruff die rüdt
zerpreche oder ins fewer würffe / ja man leret die kin
der / das sie die rüdt küssen müssen / damit anzuzei
gen / das jnen solchs zü güit geschee / vnd wir wöllen
vns nit lassen straffen / dz creütz des aller getrewsten
vatters nit dulden / wöllen woll gern seine kind sein /
waner vns nit straffet / aber dan were er nit ein rech
ter Vatter / wir wöllen woll seine schäfflin sein / doch
er solt vns vnsers gefallens hingang / vnd thun lassen
was wir wöllen / wo vns vnser lust hin trüge / aber
dan were er nit ein rechter Hirt / wo er vns also jrr
gan / vnd die eusserliche Wölff falscher leer / vnd die
inwendigen der bösen begirden zerreißen ließe / ja er
soll vnnd will vns / der besten getrewsten mainung
(nitt jme sonder vns zü güit) die milch zeitlicher na
rung nemen / die Wullen / des stolzes vnnd wol
lust ein wenig beropffen / des fürthers ein theil ent
ziehen vff das wir nit zü geil werden / ist nit güit / wan
wir zü feist sein / man sticht gemainlich die Hem
mel so man lange gemescht / vnd deroman woll ge
wartet hat / wie den zweien reichen im Euangelio
angezogen / beschähe / der ein / sich hie vfferden nach
allem willen gemestet / köstliche vñ woll gelebt / hat
vermeinet er solt ewiglich also zugan / vergaß der ar
me Lazari vor der Thür / es müst alles in sein bauch /
es müst auch der vberfluß vnnutzlich vorthan vnnd
verschwent sein / so gar heter kein achtung oder er
bernuß mit andern leütten. Der ander Reichman
als er so lang zü sich gefragt vnnd verschoren het /
das

das er nit wuſte wo er mit hin ſolt / wolt jme erſt güt
tag anthun / vermeint es hett nun kein not / er were
vor armüt vñ allem vnglück ſicher / da ſile jm ſolchs
heuffig vff den hals . Dieſe beyde reichen namen
vaſt ein böß end / pliben mitten in armüt / elend vnd
pein (dauor ſie ſich beyde vbel geforchtet vñnd gar
nit verſehen hetten) ewiglich ſtecken . O wir vnſin
nige blinde Leüt / ſind das nit ſtarcke warnung? ſol
ten dieſe graufame Exempel (obes gleich nit Hiſto
rien) vns nit bewegen / wo wir anders ein ſenfftorn
lin wares glaubens / ein füncklin götlichen Geiſts /
ein tröpflin chriſtlichen blüts in vns hettē / wie möch
ten wir / ſo vns der Herz nur eins kleins ſtücklin von
ſeinem gröſſen Creütz vfflegt ſo gar vnduldig ſein?
wiedürffen wir vnſer augen zū jme vffheben? vñnd
in vnſerm gebette jnen vatter nennen? ſo wir jnen
doch nit lieben / ſein wort / Botten vñ werck / nitt al
lein nit früntlich entpfahen . / ſonder auch nit leyden
wöllen / vñnd was er vns vmbſ beſten willen thüt /
wöllens nit erkennen / ja wöltē lieber mit jme boch
en / ſoll er nun der Herz ſein? (als er dann warlich
iſt) warumb beweifen wir jme nitt ſchuldige ge
hoiſam? Wir betten täglich / zū kom dein reich /
vñnd ſo es igt do herefert / vñnd er vns daſſelbig
durch verkundigung ſeins worts anbeut / ſo kens
men wir es nitt / Ja wir wöllen ſein nicht . Sagt ye
Chriſtus / das reich Gottes iſt in / oder vnder euch .
O lieben fründt laß vns doch eins lernen / was
das doch für ein reich ſey / Nun komet es nitt an
ders / dann durch das wort / lieſſen wir nur daſ
ſelbig recht in vnns wurzelen / es würdt gar
bald

bald vffgan/dann wo es ist dalaß es sich mercken/
aber es steet fürnemlich imleiden/darnach im thun/
du müßt dich zu ersten dar legen / dich von Gott ar=
beiten lassen/ sonst/ mit deinem thun/ wurd nicht
drauß/du müßtest lang zu einem todten oder franckē
sagen / standt vff gee in dein arbeit / ee er es thun
wurd/du sagest in deinem gebedr/dein will geschee
vnd so er geschicht / wilt den nit habē oder lassen güt
sein/wie er es mit dir macht/ so gefelt dirs nit/wilt
nit still heben das er dich heile. Ey sprichstu/diñ oder
jenes ist nit sein/sonder böse Leut oder des Teüffels
wille lieber /ist dan der Teüffel gewaltiger dan Got
der Herz:oder n vermager ett was wider willē Got
tes:oder muß Gott thun was die Leut wollen? Ja
sprichstu Got verhengt es. Antwort / wie mainstu
mainstu aber so er es verhengt:ists nit sein wille:da
mit ich dir dan noch den verhenckten willen zulasse.
Nun fragstu weiter/wie kömet es dan/ das er so vil
böses verhēgt/solang zusicht: Antwort: Es ist nit
nott das wir vrsach seins heimlichē willens wissen/
Meinstu aber wir können es nit verdienen: vñ das
die fromen glaubigen/durch solchs anfechtē bewert
vnd die gotlosen je mehr verplent werden /lasse dich
dieser gemeinen vrsachen benügen/gepurt vns nit/
das wir eins jeden werck Gottes sonderlich vrsach
erforschen/ wie dan auch kein Herz von seinem diez
ner leiden möcht / das er alle des Herzen heimlig:
keit oder warumb er diñ so oder so thet / erkundigen
wölt/ were mer straffelichē fürwitz dan dienstlicher
gehor:sam vnnd trew zuzumessen. So dir nun der
Herz:vßväterlichem willen das creüz vfflegt (wie
er dann gemeinlich sein kindern thut) so nun es an
(ala

(als ein gutes kind) williglich/entpfahet es fruntlich
vnd küsse es/so würdt es dir heilig vnnnd gut. Es ist
fürwar Christi vnsers Herzen freid / losung vnnnd
zeichen/er führt die farb im Schilt vnd Kleid/dadurch
auch seine Jünger/diener vnd kinder erkennt wer=
den. Er spricht / der Jünger ist nitt besser dann sein
Maister/haben sie mich verfolgt/sie werder euwer
nit verschonen. Vnd abermal/Ir werdt weinen aber
die Welt würdt lachen vnnnd spotten/Ir werdent in
der Welt trübsal vnd betrang leyden / aber sein ge=
tröst / ich hab die Welt vberwunden./c. Bistu nun
ein christen mensch (wie du dich nennest) so glaub=
stu jme/so geschicht dir wie du glaubst/des bistu als
gewiß als Gott Gott ist / so wirdt er dein bürde er=
leichter wie er berüfft. Alle die beschwert sein zü jme
zukömen/er wölle sie erquickten / glaubstu jme aber
nit / so machstu dir vß einer arbeit zwo / du müßt das
creütz widder dein willen tragen / darumb wirdt es
dir noch so schwer/zü dem/so ist das selbig creütz/die
nit heylig/sonder hellisch vnd verdamlich/mürzest/
immerdar/vnd tregest es nit deßer weniger / nit zü
der seligkeit/sonder zü der hellen/wurd dir aber kein
creütz vor dein thür geschickt (wöllichs doch selzam
auch sozglich ist) so bit jnē vñ gnad/dz er dich in dem
schlupforigen gluckseligen stand nit laß verlaist wer=
den/dan solichs fürwar färllich / vnd schwerlich ist/
Der weiß Mañ sagt. Es müssen starck bein sein die
ir gluck tragen mögen./c. Ir warheit schwerer ist zü
tragen gluck dan vngluck. Es ist ein enger vñ geher
pfatz zü der seligkeit (als Hesiodus schreibt/Welches
Diogenes der Philosophus in einem Sentbrieß zü
seinem Vatter mit diesen worten anzeigt. Es füret
S mich

mich (spricht er) des Socratis gesell/ vff das hohe
Schloß oder Burg zu Athen/ vnnnd als wir bey nahe
darzu kamen / zeigt er mir zwen wege / bede gähe/
der einer was nahe / doch eng / vnnnd vast rauch / der
ander ettwas vil weiter / doch breidt vnd eben / da=
selbst plib er stan / vnd sagt zu mir / Dichstu / diese be=
de weg führen zu der seligkeit / ein yeder mag gehn
wölchen er will / der mehrer theil aber schewen diesen
kurtzen vnd rauchen / legen sich vff den weiten vnnnd
gebanten weg . Aber demnach ich mich beduncken
ließ / es were mir nützer ich mich ettwas arbeyte/
nam ich für mich den gähen vnd rauchen pfadt / dan
zu der seligkeit eylet / d muß durch sewer vñ schwert
gehn . Sieh das hat der Heyde vß liebe vermeinter
jüngent oder villeicht zeitliche rwm vnd eer zuerlan=
gen gethan / was vnd wie vil mee solten wir chriſten
thun vnnnd leiden / die so vil tröstlicher gewisser zusa=
gung haben / der kurtzen entschafft vnserer ansehung
des treulichen beistands Christi vnseres Her=
ren / der gewissen seligkeit / so wir ime nur vertrauw
vnnnd vmb hilff bitten . Er ist nahe bey denen (wie der
Propheet Dauid spricht) die eins betrübten hertzen
sein / Er schreie zu mir durch den selbigen Propheet
spricht der Herr / so will ich jnen erhören in sein
nem trübsall willich bey ime sien vnnnd halten / wie=
woll nun (wie Christus sagt) der weg zu der selig=
keit eng / vnd erstlichs ansehens ettwas rawhe vnd
steinicht erscheint / so ist er doch kurtz / tregt strack zu
dem waren vnnnd höchsten güte / Er ist vns dannoch
ettwas eben / vñ wegsam gemacht / durch sein creütz
vñ leiden / so er vns vorgetragen hat / wo wir nur die
Malstat vnnnd zwegf nit vß den augen lassen / in den
Spiegel

Spiegel seins sterbens fleissig sehen / so wird die arbeit vnd der weg vmb ein güttlichen theil treglicher. Es will hie nitt nach gelassen / sonder alles für getruckt sein / wir müssen nitt hinder / sonder stets für vns sehen / das creüz nit von vns werffen / sein burd ist nit so schwer / wann wir sie nur weidlich durch den Glauben angreifen vnd vff vns nemen / vertraustu jme / so reicht er dir die handt / vnnnd ob du gleich ettwan strauchelst / oder fallest / so hebt er dich wider vff / so g nit / er laßt dich nit ligen ob dichs gleich nit bedunckt / oder du nitt so bald sein hilff merckest / behar nur / erwusch den stab / seins götlichen worts / du wurdest woll sein gnad vnd gütigkeit befinden / wer diesen stab in henden / das ist im hertzen / mit festem glauben fast / der schmeckt bald die hilff des Herren. Vne zweifel der Königlich Prophet hat es erfahren / da er sprach / dein Rüd vñ dein Steck haben mich getröst. Vñ der Herr durch den Apostel sagt / er wöll vns nit vber vermögen versuchē / dan er behütet auch die gebein der gotseligen / das jr keins mag zerbrochē werden. Dieser tröstlichen spruch ist die Schrift vol / du solt nit zweifelen (wo du frefftiglich glaubst) das solchs auch zu dir gesagt sei / demnach Christus selbs spricht. Wer Glaubet vnd Getaufft wirdt / der wirdt selig. Zug nur das du starck Glaubest / befinstu dich nit so vest / bit Got von ganzem hertze vñ zuuersicht es ist ye ein grösser trost / vñs billich in aller ansechtung sterckē soll / das wir wissender Herr es so trewlich mit vns gemaint / er die so jme vertrauē als sein augapffel verhüten will / das es alles güt ist was er thut / das er nitt irren noch vnrecht thun kan / obgleich vnser aug schalckhaftig / vnd wir es nitt ver-

ston können / ligt nicht dran / daß sein wege sein nit
wie vnser wege / auch seine vtheil seind nit wie das
menschen. Ob aber / vnd wie Gott der Herz guts vñ
böß schaff / vnd ob er auch vrsach sey des bösen / ist et-
was weitleüffiger / dann das es mit kurzen worten
hie bedeuht mög werden. Es ist itz durch die hochge-
lerten hin vñ wider gehandelt worden / wer es such-
en will / mag sehen das xxv. cap. Esaie vñ den h. Pau-
lum zu den Römern am neunten vnd nachfolgen-
den capittel / daß wo wirs recht bedencken / so komet
das böß / die widerwertigkeit vñ ansechtung al-
les zu der eer gottes / wañ vß der straffer scheint seine
gerechtigkeit / vß seinen gnaden vnd gütthaten er-
scheint sein barmhertzigkeit. Wie solch in götlicher
gesch: ist gemeinlich beyeinander angezogen vñ ge-
preist werden / wo dir nun kein widerwertigkeit
oder ansechtung zuhanden gieng / so hettestu nichts
daran dein Glaub vnd gedult geübt vñ erkent wür-
de / wölb durch ansechtung wie dz eysen durch ein
rawhenstein oder seyhel gereyniget / dz golt durch dz
feuer probirt / gereyniget / schon / lautter / vñ fein
muß werden / vñ als ein Maler durchs schwarz
(an wölbhem nicht liplichs ist) die anderen farben
schon vñ liplich herfür bringt. Also muß es auch
hie zu geen / in summa es muß gelitten sein / wöllen
wir mit Christo zu seiner ewigen Glori vñ zu dem le-
ben vffersteen / so müssen wir vorhin mit jme sterben
vñ gekreuzigt werden / vñ ob vns gleich solchs
schwer dunckt / vñ rawhe ansehen will / so ist doch
denen die in jnen hoffen / vñ in jne lieben nit schwer /
demnach die recht lieb (wo sie ist) alles leicht macht
was sunst schwer ist / wir wissen (sprich der heylig
Pau-

Paulus) am achten capitel zu den Römern/das den
nen so Gott lieben alle ding zu guttem gedien/ ha-
ben wir nun jne lieb (als wir billich solten) so halten
wir sein Gebott vnnnd erzurnen jnen ye nit/ so wurd
vns auch/was er vns vfflegt (das ist sein creütz) nit
schwer/so wir nun sunst so vil creütz tragen/ wie hie
oben zum theil gemelt (wölche ich souil man deren
zu Gots eer chrislich brauchē mag/ nit veracht noch
gestraft will haben) so sollen wir vns auch des rech-
ten vrsprungs vn creütz meisters nit scheuen/wan
die creütz so wir vns selbs machen/sein nur zeichen/
das wie er vns fůrgangen vnnnd das creütz für vns
vff sich geladen/wir auch vnser creütz ein yeder das
sein jme gedultiglich nachtragen sollen. Wiltu (spri-
cht der Herz/Matth.am sechzehenden/vñ Luce am
xix.mir nachkömen so verzeich dich dein selbst / wer
sich selbst nit verlewert der sint in nit. Ist das nit ge-
nüg? du must nit dich sonder allain jne liebhaben/
diß ist ein Rawer/aber doch ein warer spruch/dann
die weil der Mensch sich selbst liebt/vnd ettwas von
jme oder seinen werckē/ja von einer creatur helt/et-
was trost oder zuuersicht daranzu suchen / der ver-
lewert Gott/dañ Got ist allain gůt/wor ist/muß al-
le ander liebe fallen/leidet nichts bey oder nebē jme/
wollen wir nun vns bey Got finden/so müssen wir
vns vnnnd allen andern zeitlichen trost verlieren. Er
pleibt nit wo ander trost vnd hoffnung ist. Siehe dz
dunck dich seltsam vnd schwer/aber da ist nit anderst
wiewoll wir diese von oder vß vns selbs nitt vermd-
gen/so können wir es doch woll durch hilff dessender
in vns wonet vnd wieder heylig Paulus sagt/in al-
len/alle ding wurckt wann wir jnen nur in vestem

Glauben vnd gangzer zuuersicht bitten/er hats vns
ye an vil orten gar dapffer zugesagt/verheissen vnd
versprochen/was jr werdēden vatter bitten (spricht
Joannes am sechtzehenden) in meinem namen das
wirdt vch geben / bittet so werden jr entpfahen/ er
hat vns nit vergebēs das teglich Gebot geleret/ für
war es würdt dariñ alles was vns not ist/ so ordent-
lich vnd der massen begriffen das kein creatur/kein
mensch noch kein engel/besser erdencken möchte von
ersten noth ist/das wir betten/das ist/ Got loben vñ
erkennen/vnd als dan bitten leren/derhalb zubeso-
gen/das vnser wenig noch recht betten können. Izt
sprichstu/sihe/der will mich erst leren betten/ich hab
es vor vil Jarē da ich noch ein kind was gewist. Ant-
wurt? Es were güt das du es recht könntest. Aber S.
Paulus spricht/da ich ein kind ware/redet vnd thert
ich als ein kind / demnach ich aber nun gewachsen
zu einem man bin worden/hab ich mich der kindische
ding gemēßt / wolt Got das wir jm auch nachuolg-
ten vñ nit als eit kindt/das ist vnwissend/pliben. Es
ist nit nott vil wort mit dem mund plappern / so das
hertz fernedauon ist/ Got der Herz ist ein Geist will
nit anderst dan jm Geist angebetten sein / darumb
lerne vorhin (wie die kind in der Schüll) das pater
noster recht buchstaben/das ist rechten verstand vnd
meinung der wort. Laß dich nit so gar selzā dunckē/
das man dich erst in die Schüll des götlichen worts
füre/ wañ auch der Heyde sagt. Es ist kein zeit oder
alter zu spat zu lernen/der heilig/vnd nach gemeiner
achtung der hochberumft lerer Augustinus hatt
sich nit beschāmt (wie er selbs spricht) von eynem
jarigen kind zu lernen. Es gand zwar / dem Herzen
sey

sey lob/dieser zeit/vil Jüng vnd Alt/auch die so vor-
hin hochgeleert geacht/erst in die Schül der heylgen
geschrifft / dweil vns Christus an mehr orten in die
geschrifft geweiſet/sich auch daruff gezogen hatt/es
seint zwo eusserlich zeugnus von Christo/werck oder
wunderzeichen /vnd dan geschrifft/aber dise helffen
bade nit Got schicke dan seine geist (so zeugniß gibt
vonder warheit) als den rechten Schülmeister/der
vns sein götlichen willen nicht allein zu leren/sonder
auch demselbigen nachzukömen das thun /wurckē/
das gedeihen vnd vff wachssen gnediglich gebe vnd
verleihe/wöllichs dan alleingeschicht durch den rech-
ten Glauben /trost vnd zuuersicht zu jme/ seitmaln
aber götlich schrifft den selbigen allenthalben/treibt
vnnnd handelt / auch in furtz verrückten Jaren vil
bücher güt vnd böß dauon vßgangen/ist one nothie
dauon weitleuffiger zureden/wolt Got das wir den
selbigen vns nit allein vmb die oren plewen / sonder
auch ins hertz hinein bilden lieſſen/dann wiewol not
das man allenthalben das Euangelium nach dem
geheiß Christi verkunde vnnnd außschrey / so hilfft
es doch nit / komet auch solchs nitt ferner dann in
die ohren / der Herr treibt es dann fürter ins hertz/
dann wer von Gott berufft wirt / dem truckt vnnnd
pflantz er es ferren ins hertz hinein/ Als dann wirt
der Glaub (wie erst gemeldet) mit dem Pater no-
ster recht gelernet/wirdt darauff ein erfahrung vnnnd
entpfindnuß/so das hertz vff das wort/oder dz wort
ins hertz felt/hafft vnnnd hangen pleibt/also das der
mensch ee den todt liebt/ee dan er es jme nemen lieſ-
se/solcher Glaub vergöttet den menschen vnd leibtt

ime in Gott / durch das mittel des worts / dadurch
er Gottes gnad vnd güttat erkent vnd befindet / das
ime gnad / gunst / verdienst / leben / verzeihung der
sund / kurz vmb alle ding durch vnd mit Christo von
Got geschenckt sein / was man einem nun schenckt
dz ist da sein / soferne er / es annimpt / nimmest du nun
Christum durch den Glauben an / so ist er dein / sihe
das heist Christum angezogen / also das er vnser
wirdt vor Got zur gerechtigkeit / weißheit / ꝛc. Da fa
het an der mensch Got lieb zu haben / vnd alle ding ge
gen ime zuuerachten. Er stirbt in ime selbst vnd lebt
in Got / dan Got ist die lieb / vñ wer in der lieb pleibt
der pleibt in Gott / vñnd Got in ime / wie sanct Jo
hannes schreibt in seiner Epistel. O woll ein heylig
er frölicher will / freud / vñ hertz lust erhebt sich bey
ein solchen glaubigen / zuthun vnd leiden alles was
er weiß Gott gefellig sein vnd zuuerhüten das wis
derspil / namlich sund vnd vberfarung seiner gebot /
dan er weiß das alle Gepot des Herin gerecht / gült
vnd warhafft sein / deßhalb laßt er sich vß rechter ban
seines worts nit füren / er erkent die stim seines rech
ten warhafftigen trewen Hirten Jesu / dargegen
kennet er auch der wölff vñ der falschen Hirtē stim.
Christus sein Herz / hat ime jr Kleidung vnd gsang
vorhin zuerkennen geben vñ trewlich dauor gewar
tet / begegnet jm verfolgung vñnd widerwertigkeit
darüber / so laufft er mit gantzer zuuersicht vñ vnge
zweifelter hoffnung zu Christo / vnd bittet jn / Herz
komme mir zu hilff / es haben mich vmbgeben die freis
digen thier / also erweret er sich durch hilff des Herten
dz jme niemant schaden mag / truckt jnen schon
ettwand das Creütz / so würfft ers doch nit von ime /
sonc

sonder bit den Herrn so es ye also sein will sey / das er
es jme helfff tragen / wölches auch sonder zweiffel ge-
schicht / dann die grosse der liebe machtes jme alles
leichter. Also lieben fromen christen / laßt vns erstlich
lernen betten / damit wir das hinderst nit herfür fe-
ren / vnd vns nit gedeye ein antwort / wie den kinden
den Sebedei / die nit wisten was sie hatten / wir sollen
ye zü erst / das reich Gottes / das ist erklerung seines
heilgen willen vnd götlichen worts suchen / wo wir
dasselbig finden / so werden wir bald lernen / wie wir
betten sollen / namlich das sein name in vns geheil-
get / in ewigkeit gelobt vnd gepreist werd / wölches
dan fürderlichst beschicht / so wir vnser Ercütz / es sey
franchheit / verfolgung / leiden / oder ander wider-
wertigkeit vff vns nemen / in gedult vnd langmütig-
keit Christo durch die engen pforten der trübsall nach
folgen / vns selbst / das ist allen fleischlichen begirden
absagen / all vnser wandel / thun vnd lassen zü Gott
stellen / wiewol wir hie vfferden die hütten des leibs
(gleich wie der schneck sein hauß) vmbher tragen
müssen / yedoch soll das hertz sich durch Christum zü
Gott in hiemel vffschwingen / damit wir mit sanct
Paulus warhafftig sagen mögen / ietz leb ich nit son-
der Christus lebt in mir. Das hieß die rechter hebung
des heiligen Creützes / do wurde das warhafft creütz
Christi recht geeret / die Creütz fart vnd Ablass breiff /
recht vffgericht vnnnd versigelt / do wurden heraus
prechē die rechte güte werck / dadurch der Vatter im
hiemel gelobt wurd / dan ein solich creütz so einem von
Gott zugeschickt vñ vffgelegt / kompt ye von hiemel /
kan auch nit anderst dan götlich vnd hiemelisch sein /
wo wirs anderst dermassen erkennen / ane nemen /


mit danc vnd gedult tragen / den gütten das ist den
glaubigen / Kompt alle ding (wie hie vor gemeldet)
zu gutem / wiewol beinahe vor der welt alles der wi-
der sinne erscheinet / wann noch dem eussern schein
laßt sich vast ansehen / als ob es den frommen / einsal-
tigen / güthertigen / fridsamen / In summa den got-
seligen schir alzeit vbel gang wie es die Welt vtheilt /
sie seint verhaßt / leiden verfolgung / armüt / ellent /
ja zu inermalen den todt / vnnd sein danneß darbey
wollzufriden / Gott loben vnnd dancken / Seitmaln
es also sein will / wölten sie nit das anderst zunging /
Das ist wol ein fremb selzem ja nerrisch ding / von
der natur vnnd der klügen welt weißheit geachtet.
Aber also muß sie vor Gottes gericht zu schanden
werden / Also muß Christus in die ehre seins Vaters
gan / Also muß der Teuffel dieser Welt Fürst /
außgestossen / Also muß der Schlangen kopff der
stoltz vnnd eygen willzerknitst / Also muß der Todt
mit todt verbannet vnnd überwunden / der Welt
sund hingelegt / der schult Zettel außgewußt vnnd
bezalt / die straß zum himel wider geoffnet. In sum-
ma / allen gleubigen der cynig vnd recht weg zur se-
ligkeit gezeigt / das Creütz als die vnuerrückte weg-
weiß oder bildstöck vorgetragen werden. Nun zihe
hin vnd vberhebe dich deiner frumbkeit / weißheit /
macht / ehre / reichthumb / 2c. setze so vil des dings dar
zu als du wilt / richt dir damit ein Thurn vff wie
Nemroth zu Babylonien / so wirstu danneß mit alle
deinem zeug / wafen / rustung / vnd geweren / nichts
schaffen / den himel nicht ersteigen / stürmen / oder
gewinnen / du wirst auch kein ander straß nach pfat
dazu finden / dan den vns Christus geleret gewisen
vnd


vnd selbst gangen hatt/nit das du dich (wie er) an
ein hultzen Creütz nageln lasset / sonder (wie hieuor
offt gesagt) dein Creütz nimest / in gedult vnd götz
licher gehorsam jm nachfolgest . Nicht vber ander
Leut murrest / onwillig werdest / dich gegen der ober
keit vffleimest / enberest / zancet / vngehorsam / oder
auffrur erwegest / eins andern sey geistlich oder vna
gaisstlich güte begereest / Christus oder sein Euangeli
um dich den weg nit geleret / sonder ob dir gleich ge
walt vmd vnrecht beschicht / dultriglich leidest / das
Creütz tragest / nit von dir schibest / oder einem an
dern vfflegest . Wiltu Gottes kindt geheissen sein
so biß fridlich reines hertzen / des creützes liebhaber /
Er hat vns gnüg ermanet vnd gewarnet / das er die
so er an kindts stat anenimpt / vor hin durch roll des
creützes lauffen / sie dadurch ettwas fegen laß / die
alt hant den alten Adam des leibs vñ fleisches begir
den darmit abzuziehē / dan so dz beschicht / werdē wir
vmb ein güten deil leichter vñ ringsfertiger durch die
enge thüre in zukomen / darzu wir schrifft vnd dz klar
Gottes wort habē / es kan oder mag nit anders sein /
wo wir nun dem also glaubē (als wir billich soltē) so
sollen wir vns gleich gantzlich darein ergeben / vns
mit dem creütz vff dem weg legē / diß götliche werck
frey angreifen / so bald wirs jm Glaubē fassen / gat
es baldt von stat / allain der erst angriff ist am schwe
resten / wölcher an pflug greiffi spricht / der Her: vñ
doch yemets hinder sich lügt / soll nichts / ist kein nütz
zum reich Gottes . Ja dz vil mer / er sagt der selbig sei
seiner nit würdig / man muß die augē zu Christo vnse
rem trewē für genger frisch auffheben / so wirdt das
Creütz bald leicht / wie er selbs sagt . Mein ioch ist
süß

füß/ mein burd ist leicht / nempt vff euch dasselbig/
vñ lernen von mir/ daß ich binsenfftmutig/ vnd von
hertzē demütig / so werd jr euwer seel ruge schaffen/
wölche wir in gedult / befinden vñ besitzen werden.
Nun sehen wir ye in Christo die höchste demüt/ vnd
gedult/ wölcher als er in der gestalt gottes war / hat
gestalt eins knechts angenommen/ ist gefonden wor=
den/ als andere menschen / Also das er viel geringer
dañ sonst ein mensch (als der Prophet sagt) gleich
als ein Worm/ der Leut schensel/ von iderman ver=
worffen vñ verachtet gewest. Vnd abermal spricht
von jm der Prophet / wir haben jn gesehen wie ain
auffetzigē / also/ das er weder form noch gestalt het/
20. Zu letzt ist er ans Creütz gehenckt worden/ dem
Gesatz nach/ als vonn Gott ein verworffener/ ver=
fluchter mensch/ vnnd als der nit würdig/ das in die
erdt trüge/ hat das alles gedultig getragen/ als ain
Schaff das man zu metzge firt/ seinen munt nie vff
gethon/ ja er hat es auch also haben / vnser sünd tra=
gen/ hinnenemen / vnser schuld durch sein leiden beza=
len/ den schultzedel also durch sein mensch werdung
leiden/ sterben/ schand / schmach vnd blüt vergiffen
außleschen wöllen/ hatt sich genideret/ ist gehorsam
gewest biß in dot/ ja in schmelichsten todt des creütz.
Wer hat ye gehört/ das eine so hohe würden / ja die
höchsten maiestet das eynigen ewigen wort vñ Gun=
des Almechtigen/ durch wölchen himel vnnd erd ist
erschaffen/ den solch groß schand vnd schmahe bege=
gnet vnd zugelegt sey worden/ vñ das alles vmb vn=
ser/ nit seiner freund sonder feind willen/ daß er kein
sündt nit gedan/ ist auch in seinem munt (wie aber=
mals der Prophet sagt) kein betrüg erfunden wor=
den

den. Warumb wölten dan wir arme dürfftigen crea-
turen (die von der scheitel an biß auff die ferschen vol-
ler sund stecken) vmb eines solchen getrewen Herrn
vñ freunds willē/nit gern leydē was er vns zuschiz-
ckt/sonders dweil wir wissen/vns solchs alles zu güt-
tem zu vbermessiger belonung/zü weiterung seiner
eer beschicht/demnach er der einig ewig gelibst Sun
Gottes/in wölchem alle geschöpfft gesegnet wer-
den/durch eygen leiden vnd sterben/zü seiner eer fu-
men vnd eingan müssen. Darumb höre was ferner
sant Paulan obgemeltem orten von der erhöhung
sagt/darumb auch (spricht er) hat in Got erhöhet/
im geben ein namen vber all namen/darinn sich alle
kñü der himelischen irdischen/vnnd der vnder erden
neigen sollen/2c. Diß ist vorwar die höchste eer/vnd
größte gewalt so ye erhört worden/Dann Christus
sitz zu der rechten Gottes seines almechtigen vater-
ters/2c. Seitmal nun Christus vor vns gelitten/hat
er vns ein für bild gelassen (wie sant Peter sagt) dz
wir sein fußtapffen nachfolgen sollen/wie er ist ge-
tödet nach dem fleisch/aber lebendig gemacht nach
dem Geist/dz wir auch also nach dem fleisch in im er-
sterben/damit wir mit im widerumb vffersteen zu d-
eer/darumb laßt vns nit erschrecken/so vns trübsall
oder mächerley versuchung zufallet/wañ dasselbig
dienet vns zu eitel frid vñ gewin/dadurch (wie sanct
Jacob meldet) vnser glaub bewert vñ die gedult vol-
kom̃ wird/dieweil Got nit versuchet zum bösen/son-
der geschicht alles (wo wir anderst desselbig rechter
kennen) vns zu nutz dem nechsten zum bey spil vñ for-
derunger eer Gottes/wölchem sei Glorij vnd danck-
sagen in ewigkeit/Amen.

Handwritten text in a cursive script, likely a historical document or manuscript. The text is written in a dark ink on aged, slightly discolored paper. The script is dense and fills most of the page, with some lines appearing more prominent than others. The overall appearance is that of a historical record or a personal letter from a past era.





Österreichische Nationalbibliothek



+Z185949504

